

BOSNA I HERCEGOVINA  
TUŽILAŠTVO BOSNE I HERCEGOVINE

INFORMACIJA O RADU ZA 2012. GODINU



Kraljice Jelene 88  
Sarajevo  
Tel: +387 33 707 200  
Fax: +387 33 707 463  
E-mail: [info@tuzilastvobih.gov.ba](mailto:info@tuzilastvobih.gov.ba)

# SADRŽAJ

I. UVOD .....	4
I.1. OSNOVNE INFORMACIJE .....	4
I.2. OSNOV ZA IZRADU INFORMACIJE .....	4
I.3. UNUTRAŠNJA ORGANIZACIJA .....	5
I.3.1. NORMATIVNI OKVIR .....	5
I.3.2. RUKOVODSTVO .....	6
I.3.3. TUŽILAČKI ODJELI .....	7
I.3.4. UPRAVA TUŽILAŠTVA .....	8
I.4. PODRŠKA UREDA REGISTRARA .....	9
I.5. OZNAKE UPISNIKA .....	10
2. ODJELI TUŽILAŠTVA BOSNE I HERCEGOVINE .....	11
2.1. POSEBNI ODJEL ZA RATNE ZLOČINE (ODJEL I) .....	11
2.1.1. ORGANIZACIJA POSEBNOG ODJELA ZA RATNE ZLOČINE .....	11
2.1.2. KADROVSKA STRUKTURA POSEBNOG ODJELA ZA RATNE ZLOČINE .....	13
2.1.3. SPECIFIČNOSTI POSEBNOG ODJELA ZA RATNE ZLOČINE .....	13
2.1.4. RAD NA PREDMETIMA .....	17
2.1.5. OSTALE AKTIVNOSTI TUŽILACA .....	20
2.1.6. PROBLEMI U RADU POSEBNOG ODJELA ZA RATNE ZLOČINE .....	21
2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (ODJEL II) .....	22
2.2.1. STRUKTURA KRIVIČNIH DJELA U PREDMETIMA ODJELA II .....	24
2.2.2. PROBLEMI U RADU ODJELA II .....	28
2.3. ODJEL III .....	29
2.3.1. KADROVSKA STRUKTURA ODJELA III .....	29
2.3.2. RASPODJELA PREDMETA U ODJELU III .....	30
2.3.3. AKTIVNOSTI U PREDMETIMA PRUŽANJA MEĐUNARODNE PRAVNE POMOĆI .....	32
2.3.4. ZAPRIMLJENI PREDMETI, PREDMETI U RADU, KAO I OKONČANI PREDMETI ODJELA III .....	33
2.3.5. OSTALE AKTIVNOSTI .....	39
2.3.6. PROBLEMI U RADU ODJELA III .....	39

## INFORMACIJA O RADU 2012

3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA .....	41
4. OSTVARIVANJE FUNKCIJE TUŽILAŠTVA KROZ DRUGE AKTIVNOSTI .....	48
4.1. UVOD .....	48
4.2. RAD UPRAVE TUŽILAŠTVA .....	48
4.2.1. SPECIFIČNE AKTIVNOSTI KABINETA GLAVNOG TUŽIOCA.....	49
4.3. UČEŠĆE TUŽILAŠTVA BiH NA SASTANCIMA KOORDINACIJE DIREKTORA POLICIJSKIH AGENCIJA I GLAVNOG TUŽIOCA BiH .....	50
4.4. RAD OPERATIVNE GRUPE ZA BORBU PROTIV TERORIZMA .....	52
4.5. RAD UDARNE GRUPE ZA BORBU PROTIV TRGOVINE LJUDIMA I ORGANIZOVANE ILEGALNE IMIGRACIJE.....	55
4.6. RAD TIMA ZA PRAĆENJE I OCJENU KRIVIČNIH ZAKONA BOSNE I HERCEGOVINE...	56
4.7. ODNOSI S JAVNOŠĆU .....	57
4.8. EDUKACIJA TUŽILACA I STRUČNOG OSOBLJA TUŽILAŠTVA BiH U 2012. GODINI....	59
5. FINANSIJSKI IZVJEŠTAJ ZA 2012. GODINU.....	64
6. PROBLEMI KOJI OTEŽAVAJU RAD .....	67
7. SMJERNICE ZA UNAPREĐENJE RADA U NAREDNOM PERIODU .....	69
8. STANJE KRIMINALITETA U BOSNI I HERCEGOVINI .....	72

## **I. UVOD**

### **I.1. OSNOVNE INFORMACIJE**

Tužilaštvo Bosne i Hercegovine ( u daljem tekstu Tužilaštvo) djeluje samostalno kao poseban organ Bosne i Hercegovine. Osnovano je Zakonom o Tužilaštvu Bosne i Hercegovine („Službeni glasnik Bosne i Hercegovine", broj 24/02, 3/03, 37/03, 42/03, 9/04, 35/04, 61/04 i 97/09), kojim se regulišu osnovni principi poslovanja, nadležnost, kao i temelji unutrašnje organizacije ove institucije. Tužilaštvo je otpočelo sa radom 27. 01. 2003. godine.

Glavni tužilac Tužilaštva predstavlja Tužilaštvo i rukovodi njegovim radom.

Tužilaštvo je nadležno za provođenje istraga za krivična djela za koja je nadležan Sud Bosne i Hercegovine, te za gonjenje počilaca pred navedenim Sudom, u skladu sa Zakonom o krivičnom postupku Bosne i Hercegovine i drugim primjenjivim zakonima. Osim navedenog, Tužilaštvo je nadležno za primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih osoba od strane sudova ili organa na teritoriji Bosne i Hercegovine i drugih država, odnosno međunarodnih sudova ili tribunala.

Posebni odjeli Tužilaštva, između ostalog, preduzimaju zakonom određene mjere za ispitivanje i gonjenje počilaca krivičnih djela ratnih zločina, organiziranog kriminala, privrednog kriminala i korupcije, kada je za ta djela predviđena nadležnost Suda Bosne i Hercegovine.

Sjedište Tužilaštva je u Sarajevu.

### **I.2. OSNOV ZA IZRADU INFORMACIJE**

U skladu sa članom 13. Zakona o Tužilaštvu Bosne i Hercegovine, Tužilaštvo na godišnjem nivou sačinjava statističke preglede svojih aktivnosti i izvještava javnost i Parlamentarnu skupštinu Bosne i Hercegovine o stanju kriminaliteta u državi, te na osnovu iskustava u radu, predlaže zakonske reforme.

Prema članu 10. istog Zakona, Tužilaštvo ima pravo i dužnost da, na svoju inicijativu ili na zahtjev, izvještava organe Bosne i Hercegovine o svom radu i primjeni zakona.

Osim navedenog, a na osnovu člana 11. stava 1. Zakona o Tužilaštvu Bosne i Hercegovine, Tužilaštvo obavještava javnost o pojavama i problemima od opšteg značaja koje je zapazilo u svom radu, putem sredstava javnog informisanja ili na drugi način.

U skladu sa naprijed iznesenim, Informacija o radu Tužilaštva BiH za 2012. godinu sadrži pregled aktivnosti ove institucije poduzetih i realiziranih u navedenom periodu, sa posebnim osvrtom na uočene probleme i pojave od značaja u radu.

### **I.3. UNUTRAŠNJA ORGANIZACIJA**

#### **I.3.1. NORMATIVNI OKVIR**

Osnovi unutrašnje organizacije Tužilaštva propisani su Zakonom o Tužilaštvu Bosne i Hercegovine. Unutrašnja organizacija Tužilaštva detaljno je uređena Pravilnikom o unutrašnjoj organizaciji Tužilaštva Bosne i Hercegovine koji je donesen dana 31. 03. 2010. godine („Službeni glasnik BiH“ broj 31/10), a stupio na snagu dana 28. 04. 2010. godine.


Pravilnikom o izmjenama Pravilnika o unutrašnjoj organizaciji Tužilaštva BiH od 13. 12. 2011. godine („Službeni glasnik BiH“ broj 104/11), izvršena je manja korekcija navedenog Pravilnika, a kako su se u periodu od stupanja na snagu Pravilnika o unutrašnjoj organizaciji Tužilaštva događale razne promjene, iste su direktno ili indirektno dovele do potrebe za znatnijim izmjenama i dopunama istoga kako bi sadržavao rješenja neophodna za provedbu niza procesa otvorenih u navedenom periodu. U prvom redu, radilo se o omogućavanju procesa zamjene međunarodnog osoblja domaćim, prilagođavanja postojeće sistematizacije osoblja povećanom broju tužilaca, te realizaciji obaveza koje je Tužilaštvo preuzelo Državnom strategijom za rad na predmetima ratnih zločina, Akcionim planom Nadzornog tijela za praćenje provođenja navedene Strategije, te Srednjoročnim razvojnim planom institucija Suda i Tužilaštva BiH.

S tim u vezi, dana 06. 09. 2012. godine, donesen je Pravilnik o izmjenama i dopunama Pravilnika o unutrašnjoj organizaciji Tužilaštva Bosne i Hercegovine („Službeni glasnik BiH“, broj 83/12), a koji je stupio na snagu 30. 10. 2012. godine.

Iako se radi o obimnim izmjenama, istima nije dirano u samu suštinu i strukturu organizacije Tužilaštva.

U organizacionom smislu, u Tužilaštvu postoje četiri osnovne organizacione jedinice - tri tužilačka odjela i uprava Tužilaštva.

Osnovna unutrašnja organizaciona struktura Tužilaštva i usmjerenje podrške Ureda registrara se šematski može prikazati na sljedeći način:



Tužilaštvo svoju funkciju ostvaruje i kroz Ured glavnog tužioca, Kolegij glavnog tužioca, Kolegij tužilaca, Kolegij tužilačkih odjela kao i Kolegij uprave, koji postupaju u slučajevima kada to propisuje Zakon o krivičnom postupku Bosne i Hercegovine ili Pravilnik o unutrašnjoj organizaciji Tužilaštva Bosne i Hercegovine.

### 1.3.2. RUKOVODSTVO

Tužilaštvom rukovodi i predstavlja ga glavni tužilac Tužilaštva. Nadležnosti i ovlaštenja glavnog tužioca Tužilaštva propisani su Zakonom o Tužilaštvu Bosne i Hercegovine i Pravilnikom o unutrašnjoj organizaciji Tužilaštva Bosne i Hercegovine.

Dužnost glavnog tužioca Tužilaštva u 2012. godini vršila je, u skladu sa članom 5. Zakona o Tužilaštvu Bosne i Hercegovine, a po Odluci Visokog sudskog i tužilačkog vijeća Bosne i Hercegovine od 04. 07. 2011. godine, Jadranka Lokmić-Misirača, zamjenica glavnog tužioca i rukovoditeljica Odjela III Tužilaštva.

Na sjednici održanoj 12. 12. 2012. godine, Visoko sudsko i tužilačko vijeće BiH je za glavnog tužioca Tužilaštva imenovalo Gorana Salihovića, koji navedenu dužnost preuzima 01. 02. 2013. godine.

Kada je glavni tužilac odsutan ili spriječen da obavlja svoje poslove, zamjenjuje ga jedan od zamjenika glavnog tužioca, a pomoć glavnom tužiocu u obavljanju administrativnih poslova pruža sekretar Tužilaštva. Zakonom o Tužilaštvu Bosne i Hercegovine predviđeno je da glavni tužilac ima četiri zamjenika, kao i da Tužilaštvo ima sekretara.

Do momenta preuzimanja dužnosti v. d. glavnog tužioca od strane Jadranke Lokmić-Misirača, u Tužilaštvu su bila dva zamjenika glavnog tužioca. Međutim, navedena okolnost je rezultirala time da od tog momenta dužnost zamjenika stvarno vrši samo zamjenica glavnog tužioca Vesna Budimir.

Visoko sudsko i tužilačko vijeće BiH je na sjednici održanoj 06. 03. 2012. godine, donijelo Odluku o imenovanju Bože Mihajlovića, tužioca Tužilaštva, na poziciju zamjenika glavnog tužioca Tužilaštva. Navedenu dužnost Mihajlović vrši od 08. 03. 2012. godine.

Na sjednici Visokog sudskog i tužilačkog vijeća BiH od 21. 12. 2012. godine, za zamjenika glavnog tužioca imenovan je Dragan Čorlija, tužilac Tužilaštva, koji navedenu dužnost preuzima 01. 02. 2013. godine.

### **I.3.3. TUŽILAČKI ODJELI**

U organizacionom smislu, u Tužilaštvu postoje Posebni odjel za ratne zločine, Posebni odjel za organizirani kriminal, privredni kriminal i korupciju i Odjel III. Izdvajanjem rada na specifičnim krivičnim djelima u posebne odjele, omogućava se koncentracija poslova, ali i fokusiranje tužilačkog rada na određenu grupu sličnih predmeta, čime se direktno doprinosi povećanju njihove efikasnosti.

Posebni odjel za ratne zločine bavi se procesuiranjem počilaca krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH.

Posebni odjel za organizirani kriminal, privredni kriminal i korupciju bavi se procesuiranjem počilaca krivičnih djela organizovanog kriminala, privrednog kriminala i korupcije, kao i krivičnih djela terorizma.

Unutar Odjela III, procesuiraju se počinioci svih krivičnih djela iz nadležnosti Tužilaštva Bosne i Hercegovine koja nisu u nadležnosti posebnih odjela.

Rad u tužilačkim odjelima organizuju i nadgledaju rukovodioci odjela koji za svoj rad neposredno odgovaraju glavnom tužiocu. U pravilu, rukovodioci odjela imenuju se iz reda zamjenika glavnog tužioca.

U 2012. godini, dužnost rukovodioca Posebnog odjela za ratne zločine obnašala je zamjenica glavnog tužioca Vesna Budimir, dok je dužnost rukovodioca Posebnog odjela za organizirani kriminal, privredni kriminal i korupciju obnašao zamjenik glavnog tužioca Božo Mihajlović. Rukovodilac Odjela III Tužilaštva je Jadranka Lokmić-Misirača, ali je u 2012. godini zbog okolnosti da je ista u ovom periodu vršila dužnost glavnog tužioca, dužnost rukovodioca Odjela III obavljao Miroslav D. Marković, tužilac Tužilaštva.



## INFORMACIJA O RADU 2012

U Tužilaštvu su sa danom 31. 12. 2012. godine, u sva tri tužilačka odjela, bila raspoređena ukupno 33 tužioca koji su državljani Bosne i Hercegovine, uključujući u taj broj v. d. glavnog tužioca i dva zamjenika glavnog tužioca. U odnosu na 2011. godinu, ovo predstavlja smanjenje jer su 31. 12. 2011. godine bila 34 domaća tužioca iz razloga što je u toku 2012. godine jedna tužiteljica napustila Tužilaštvo zbog imenovanja na drugu poziciju.

Detaljnije informacije o radu tužilačkih odjela navedene su u narednim poglavljima ove informacije.

### **I.3.4. UPRAVA TUŽILAŠTVA**

U upravi Tužilaštva obavljaju se pravni, administrativno-tehnički, opći i materijalno-finansijski poslovi, IT poslovi, poslovi vezani za odnose s javnošću i drugi poslovi neophodni za zakonito, blagovremeno i efikasno funkcionisanje Tužilaštva. Kroz upravu Tužilaštva obezbjeđuje se i posebna podrška radu tužilačkih odjela.

Upravom Tužilaštva rukovodi glavni tužilac. Sekretar Tužilaštva, pod nadzorom glavnog tužioca, rukovodi, nadgleda i koordinira radom uprave Tužilaštva.

Poslovi iz nadležnosti uprave Tužilaštva, koji se mogu svrstati u poslove opće podrške, obavljaju se u okviru sljedećih organizacionih jedinica: Kabinet glavnog tužioca, Ured sekretara Tužilaštva, Odjel za pravne, administrativno-tehničke i opće poslove, Odjel za materijalno-finansijske poslove, Odjel za odnose s javnošću, te Odjel za IKT i obradu elektronskog dokaznog materijala.

Poslovi koji se mogu svrstati u poslove posebne podrške koja se pruža radu pojedinih tužilačkih odjela realizuju se kroz Ured za posebnu podršku Odjelu III i Ured registrara, te Odjel za istrage i podršku svjedocima.

U Tužilaštvu, zaključno sa 31. 12. 2012. godine, bila su zaposlena 144 zaposlenika (stručno i administrativno osoblje), uključujući i osobe zaposlene na određeno vrijeme. Naime, u toku 2011. godine i 2012. godine, jedan broj ovih zaposlenika prestao je sa radom u Tužilaštvu zbog imenovanja na pozicije nosilaca pravosudnih funkcija, ali i iz drugih razloga. Upraznjene pozicije nisu popunjavane na neodređeno vrijeme, nego je angažovan određeni broj zaposlenika na određeno vrijeme.

Na kraju perioda obuhvaćenog ovom informacijom u Tužilaštvu je bilo ukupno 177 zaposlenih (tužioci, stručno i administrativno osoblje) što je smanjenje u odnosu na 31. 12. 2011. godine, kada su bila ukupno 184 zaposlenika, koje se dogodilo iz naprijed navedenih razloga kao i zbog isteka perioda na koji je bio angažovan jedan broj pripravnika.



## **I.4. PODRŠKA UREDA REGISTRARA**

Okolnost od posebnog značaja za potrebu osiguranja značajnih resursa za budući rad Tužilaštva je činjenica da je od 31. 12. 2012. godine Ured registrara prestao sa pružanjem podrške radu ove institucije.

Ured registrara za Odjel I i II Suda Bosne i Hercegovine i posebne odjele Tužilaštva Bosne Hercegovine (Posebni odjel za organizirani kriminal, privredni kriminal i korupciju i Posebni odjel za ratne zločine) uspostavljen je 2004. godine, međunarodnim Sporazumom zaključenim između Predsjedništva Bosne i Hercegovine i visokog predstavnika za Bosnu i Hercegovinu, u namjeri osiguranja administrativne i logističke podrške procesuiranju i suđenju počinocima krivičnih djela kršenja međunarodnog humanitarnog prava, te krivičnih djela organizovanog kriminala, privrednog kriminala i korupcije. U skladu sa navedenim Sporazumom, Ured registrara upravlja procesom odabira i angažovanja, kako međunarodnih sudija Suda Bosne i Hercegovine, tako i međunarodnih tužilaca, koji se imenuju u posebne odjele Tužilaštva Bosne i Hercegovine, te upošljavanja i finansiranja dodatnog domaćeg i međunarodnog osoblja za podršku rada Odjela I i II Suda Bosne i Hercegovine i posebnih odjela Tužilaštva Bosne i Hercegovine (pravno i administrativno osoblje).

U 2006. godini, zaključen je Sporazum o Uredu registrara, Odjela I za ratne zločine i Odjela II za organizirani kriminal, privredni kriminal i korupciju, Krivičnog i Apelacionog odjela Suda Bosne i Hercegovine, kao i Posebnog odjela za ratne zločine, te Posebnog odjela za organizirani kriminal, privredni kriminal i korupciju Tužilaštva Bosne i Hercegovine kao i o uspostavi Tranzicijskog vijeća kojim je zamijenjen Sporazum o Uredu registrara od 01. 12. 2004. godine i Aneks tog Sporazuma. („Službeni glasnik Bosne i Hercegovine, broj 3/07).

U skladu sa Sporazumom iz 2006. godine i Zakonom o izmjenama i dopunama Zakona o Tužilaštvu BiH („Sl. glasnik BiH“ br. 97/09), posebna podrška radu Posebnog odjela za ratne zločine i Posebnog odjela za organizirani kriminal, privredni kriminal i korupciju Tužilaštva okončana je 31. 12. 2012. godine.

Od 01. 01. 2013. godine, Tužilaštvo se u svom radu oslanja u potpunosti na domaće kapacitete. U 2012. godini, izvršena je zamjena međunarodnog osoblja domaćim i to 3 tužioca sa pratećim osobljem, a iz razloga što je u vrijeme planiranja budžeta za 2012. godinu bilo izvjesno da jednom međunarodnom tužiocu mandat traje do 31. 12. 2012. godine, nije izvršena zamjena jednog tužioca i pratećeg osoblja i planirana je, iz naprijed navedenih razloga, za 2013. godinu.

Prestanak pružanja podrške od strane Ureda registrara tekao je sukcesivno, u skladu sa izlaznom strategijom ove institucije, te je tekao u vidu postepenog smanjenja obima podrške koju Ured registrara pruža Tužilaštvu. Prateći ovaj trend, Tužilaštvo je provodilo značajne aktivnosti kako bi izdejstvovalo snažniju podršku nadležnih organa države Bosne i Hercegovine, što bi omogućilo da ova institucija svoje funkcije vrši potpuno i blagovremeno.

U 2012. godini, u Tužilaštvu su bila angažovana 4 međunarodna tužioca u Posebnom odjelu za ratne zločine, koji su tokom navedene godine sukcesivno odlazili i to jedan u mjesecu februaru 2012. godine, jedan u mjesecu julu 2012. godine, a dva u mjesecu decembru 2012. godine.

## INFORMACIJA O RADU 2012

Pomoć u radu tužilaca Posebnog odjela za ratne zločine Tužilaštva pružao je određen broj dodatnog domaćeg i međunarodnog osoblja, koje je angažovano kroz kapacitete Ureda registrara, i to ukupno 4 međunarodna i 12 domaćih zaposlenika. U istom periodu, Posebnom odjelu za organizirani kriminal, privredni kriminal i korupciju, podršku u radu tužiocima kroz Ured registrara pružala su 2 međunarodna i 3 domaća zaposlenika.

Svo navedeno osoblje, uključujući tužioce, prestalo je sa radom zaključno sa 31. 12. 2012. godine.

### **I.5. OZNAKE UPISNIKA**

Radi lakšeg praćenja dalje sadržine ove Informacije, navode se oznake upisnika koji se vode u Tužilaštvu i kojima se označavaju i predmeti koji se vode u tim upisnicima kako slijedi:

<b>KT</b>	krivični upisnik - Registar poznatih počinitelja krivičnih djela (pravne i fizičke osobe)
<b>KT-RZ</b>	krivični upisnik - Registar poznatih počinitelja krivičnog djela ratnog zločina
<b>KTPO</b>	krivični upisnik - Registar poznatih počinitelja krivičnog djela privrednog kriminala
<b>KTN</b>	krivični upisnik - Registar krivičnih predmeta nepoznatih počinitelja
<b>KTN-RZ</b>	krivični upisnik - Registar nepoznatih počinitelja krivičnog djela ratnog zločina
<b>KTM</b>	krivični upisnik - Registar krivičnih predmeta maloljetnih počinitelja
<b>KTPOM</b>	krivični upisnik - Registar predmeta međunarodne pravne pomoći
<b>KTEKS</b>	krivični upisnik - Registar predmeta ekstradicije
<b>KTA</b>	krivični upisnik - Registar raznih krivičnih predmeta
<b>KTA-RZ</b>	krivični upisnik - Registar raznih krivičnih predmeta ratnog zločina
<b>A, A-RZ, A-P, A-US, A-I, A-R, P, R</b>	upisnici za razne poslove

U vezi sa gore navedenim, napominjemo da se u Tužilaštvu predmeti evidentiraju i elektronskim putem. Naime, početkom 2011. godine, od strane VSTV-a je implementiran Sistem upravljanja predmetima - *Case Management System* (CMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje, kako na nivou pojedinačnih pravosudnih institucija, tako i na nivou kantona, entiteta i cijele države. U toku 2012. godine u ovom sistemu izvršeno je niz promjena u cilju prilagođavanja istog stvarnim potrebama.

## 2. ODJELI TUŽILAŠTVA BOSNE I HERCEGOVINE

### 2.1. POSEBNI ODJEL ZA RATNE ZLOČINE (ODJEL I)

Ovaj odjel je započeo sa radom 09. 03. 2005. godine, nakon što su usvojeni zakoni koji su bili nužni da bi se stekli uslovi da se predmeti Međunarodnog krivičnog suda za bivšu Jugoslaviju (u daljem tekstu MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice pravila puta MKSJ, koja je do svog zatvaranja vršila pregled predmeta ratnih zločina.

#### 2.1.1. ORGANIZACIJA POSEBNOG ODJELA ZA RATNE ZLOČINE

Posebni odjel za ratne zločine svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH.



Slika 2. Organizaciona šema Posebnog odjela za ratne zločine

Tužilački timovi u svom sastavu imaju po dva ili tri domaća tužioca, a u nekim timovima i međunarodnog tužioca, zatim stručne saradnike, koordinatora predmeta, istražioce i ostalo

## INFORMACIJA O RADU 2012

administrativno osoblje koje pruža pomoć tužiocima u radu. Pomoć tužiocima u radu pruža i jedan stručni savjetnik – pravnik.

U toku 2012. godine u radu na predmetima ratnih zločina pomoć pruža i Odjel za istrage i podršku svjedocima Tužilaštva BiH. Istražiocci ovog odjela preduzimaju radnje u skladu sa Zakonom o krivičnom postupku BiH koje im povjere postupajući tužiocci, kao što su lociranje i saslušanje svjedoka, pretrage arhiva i dokumentacije različitih organa vlasti i pravnih osoba u cijeloj BiH, sudjeluju zajedno sa policijskim agencijama u prikupljanju dokaza na terenu (pretresi objekata i osoba, oduzimanje predmeta, saslušanje svjedoka i ispitivanje osumnjičenih), te koordiniraju sve ove aktivnosti sa različitim policijskim agencijama uključenim u istrage.

Navedeni odjel u posmatranom periodu pružao je podršku i u obavljanju poslova tehničke, psihološke i druge vrste podrške svjedocima s ciljem da se obezbijedi efikasna saradnja sa svjedocima u istrazi i tokom krivičnog postupka.

Također, značajnu podršku Posebnom odjelu za ratne zločine pružao je i Odjel za informaciono-komunikacione tehnologije i obradu elektronskog dokaznog materijala.

Ova podrška, između ostalog, ogledala se u obavljanju poslova unosa, ažuriranja, održavanja i pretraživanja informacija u računarskim sistemima, prenosa informacija i podataka sa zapisa na papiru na automatizovane sisteme, održavanja mrežnog i elektronskog sistema arhiviranja dokaznog materijala i ostale dokumentacije za predmete ratnih zločina, praćenja svih potencijalnih dokaza, slaganja, indeksiranja, izdavanja materijala i dokaza, zatim unosa, ažuriranja, održavanja i pretraživanja podataka u bazama za koordinaciju predmeta te davanja podrške suđenjima koja uključuje pomaganje u izvođenju dokaza na Sudu BiH, kao i digitalnih i kompjuterizovanih dokaza, pomoć u održavanju računarske opreme i sistema.

Nadalje, Posebnom odjelu za ratne zločine specifičnu pomoć pružaju i analitičari koji se bave analizom i istraživanjem ratnih zločina po nalogu tužilaca. Istraživanje podrazumijeva pronalaženje dokaza od kojih su većina dokumenti iz arhiva, institucija, baza podataka, biblioteka, medija, raznih drugih izvora, izjave svjedoka i drugi. Istraživanje se radi sa ciljem utvrđivanja činjenica o ličnostima i događajima iz ratnog perioda.

Zahtjevi i naredbe upućeni analitičarima su se najčešće odnosili na izradu analitičkih izvještaja u vezi određene vojne ili policijske strukture, komandnog lanca, kriznog štaba i počinjenih zločina (logori, masovna ubistva, itd.) na osnovu dokumenata pronađenih pretraživanjem EDS baze, sudske baze MKSJ-a, internet stranica, spisa Tužilaštva, te presuda i transkripata MKSJ-a. U 2012. godini je pripremljeno ukupno 45 analitičkih izvještaja, koji variraju od kratkih izvještaja do opsežnih studija. Analitičari primaju i mnogo zahtjeva za pretraživanje EDS baze i sudske baze MKSJ-a, kao i državnih, vojnih ili drugih relevantnih arhiva, zbirki i dokumenata u dokumentacionim centrima i centrima za istraživanje u potrazi za dokumentima koji su potrebni tužiocima u fazi istrage.

## **2.1.2. KADROVSKA STRUKTURA POSEBNOG ODJELA ZA RATNE ZLOČINE**

Dužnost rukovodioca Posebnog odjela za ratne zločine od mjeseca januara 2010. godine obavlja domaći tužilac, i to zamjenica glavnog tužioca, rukovoditeljica Posebnog odjela za ratne zločine, koja je imenovana za zamjenicu glavnog tužioca u Tužilaštvo BiH Odlukom Visokog sudskog i tužilačkog vijeća BiH od 25. 06. 2009. godine, a koja odluka je objavljena u „Službenom glasniku BiH“ br. 55/09 od 14. 07. 2009. godine, a potom je Odlukom glavnog tužioca Tužilaštva BiH broj A-918/09 od 30. 12. 2009. godine imenovana za rukovoditeljicu Posebnog odjela za ratne zločine.

U toku posmatranog perioda u Posebnom odjelu za ratne zločine radilo je 17 domaćih tužilaca, kojima je podršku u radu pružalo domaće osoblje i to, 1 stručni savjetnik, 19 stručnih saradnika, 4 koordinatora predmeta, 5 analitičara i 14 daktilografa.

Također, u Posebnom odjelu za ratne zločine u toku 2012. godine radio je jedan broj uposlenika koje je finansirao Ured registrara, a koji se odnosio na 5 uposlenika međunarodnog osoblja i 10 uposlenika domaćeg osoblja (koje domaće osoblje uključuje prevodioce, pravne saradnike, pripravnike i koordinate predmeta).

Odlukom visokog predstavnika dana 14. 12. 2009. godine donesen je Zakon o izmjenama i dopunama Zakona o Tužilaštvu BiH kojim je propisano da se u prelaznom periodu, dakle do 31. 12. 2012. godine, međunarodni tužioci mogu imenovati samo kako bi radili na predmetima ratnih zločina i shodno tome planirano je da to budu 4 međunarodna tužioca. Početkom 2012. godine u Posebnom odjelu za ratne zločine radila su 4 međunarodna tužioca koji su u toku navedene godine sukcesivno odlazili, kako je i navedeno u uvodnom dijelu ove informacije.

## **2.1.3. SPECIFIČNOSTI POSEBNOG ODJELA ZA RATNE ZLOČINE**

### ***2.1.3.1. DRŽAVNA STRATEGIJA ZA RAD NA PREDMETIMA RATNIH ZLOČINA***

Tužilaštvo BiH je u toku 2012. godine poduzelo niz aktivnosti u cilju izvršenja, pred Tužilaštvo postavljenih, strateških mjera u Državnoj strategiji za rad na predmetima ratnih zločina o kojima je povremeno podnosilo izvještaj Nadzornom organu za praćenje provođenja Državne strategije za rad na predmetima ratnih zločina, uglavnom po zahtjevu Nadzornog organa.

Najveći broj aktivnosti vezan je za ažuriranje baze podataka otvorenih predmeta ratnih zločina, odnosno ispunjenje strateške mjere br. 1 i 2 iz Državne strategije, s obzirom da je ispunjenje ove strateške mjere preduslov za ispunjenje ostalih, pred Tužilaštvo postavljenih, strateških mjera. Do kraja 2012. godine u potpunosti je ispunjena strateška mjera br. 2 iz Državne strategije, donošenjem obavezujućih uputstava za redovan unos i ažuriranje KT RZ, KTA RZ i KTN RZ predmeta u bazu podataka.

**Strateška mjera br. 3** iz Državne strategije, djelimično je ispunjena jer je Izmjenama i dopunama Pravilnika o unutrašnjoj organizaciji Tužilaštva BiH unesena dopuna opisa poslova stručnih saradnika-analitičara. Također, povećan je broj izvršilaca za jedno radno mjesto, međutim, do kraja 2012. g. to radno mjesto nije popunjeno.

Nadalje, Državnom strategijom za rad na predmetima ratnih zločina stavljena je u obavezu Tužilaštvu **strateška mjera br. 8** (dostavljanje Sudu Bosne i Hercegovine izvještaja o otvorenim predmetima ratnih zločina). S tim u vezi, u toku 2012. g. Tužilaštvo Bosne i Hercegovine je Sudu Bosne i Hercegovine dostavilo 5 dopuna Izvještaja o nezavršenim kategorisanim predmetima ratnih zločina koji su uneseni u bazu podataka otvorenih predmeta ratnih zločina. Ti podaci su Tužilaštvu BiH iz baze dostavljeni zaključno sa 10. 10. 2012. godine i prema kojem izvještaju je u bazu bilo uneseno ukupno 690 predmeta i to kategorije I (predmeti koji bi se trebali završiti u roku od 7 godina), 434 predmeta protiv 3.090 osoba kategorije II (predmeti koji bi se trebali završiti u roku od 15 godina).

**Strateška mjera br. 12** (redovni sastanci predstavnika Suda BiH s ciljem osiguranja jedinstvene primjene usaglašenih kriterija) je ispunjena, a što proizlazi iz podatka da je Tužilaštvo dana 19. 10. 2011. godine imenovalo stalnu Radnu grupu sa zadatkom praćenja i analize provođenja Državne strategije za rad na predmetima ratnih zločina, odnosno da analizira i prati usaglašavanje primjene kriterija za ocjenu složenosti predmeta ratnih zločina, u čijem radu, pored tužilaca Tužilaštva BiH, učestvuju i predstavnici kantonalnih i okružnih tužilaštava, odnosno Tužilaštva Brčko distrikta BiH.

Radna grupa je do kraja 2012. godine održala više sastanaka na kojima su se razmatrala pitanja konkretizacije kriterija za ocjenu složenosti predmeta iz Aneksa „A“ Državne strategije za rad na predmetima ratnih zločina i na kojima su definisane pojedinačne radnje u okviru kriterija za ocjenu težine krivičnog djela, svojstva počinitelja i ostalih okolnosti koje utiču na ocjenu složenosti predmeta, odnosno na primjenu članova 27., 27a. i 449. Zakona o krivičnom postupku BiH.

Ova Radna grupa je formirana i sa zadatkom održavanja redovnih sastanaka sa stalnim Vijećem Suda BiH koje je ustanovljeno radi praćenja provođenja Državne strategije. Sastanci Radne grupe Tužilaštva BiH i stalnog Vijeća Suda BiH održavaju se redovno i na taj način se osigurava izvršenje strateške mjere br. 12 Državne strategije.

**Strateška mjera br. 23** (jačanje regionalne pravosudne saradnje u vezi predmeta ratnih zločina), cijenimo da je u toku 2012. godine kontinuirano izvršavana.

Tužioci Tužilaštva Bosne i Hercegovine, u okviru regionalne saradnje, a u cilju izvršenja ove strateške mjere, uzimali su učešće na svim regionalnim konferencijama i forumima na kojima se raspravljalo o pitanjima vezanim za rad na predmetima ratnih zločina i to, kako organizovanih u Bosni i Hercegovini, tako i u susjednim državama.

Kao jedan od kontinuiranih vidova regionalne saradnje je Regionalna konferencija državnih odvjetnika na Brionima u R Hrvatskoj, koja je u 2012. godini održana u maju mjesecu i kojoj su prisustvovali predstavnici Tužilaštva BiH, a koja se odnosila na pitanja u vezi progona počinitelja ratnih zločina i razmjene dokaza. Ovoj konferenciji prisustvovali su i predstavnici Ureda tužilaca Međunarodnog krivičnog suda za bivšu Jugoslaviju, Državnog odvjetništva Republike Hrvatske,

## INFORMACIJA O RADU 2012

Tužilaštva BiH, Tužilaštva za ratne zločine Republike Srbije, Vrhovnog državnog tužilaštva Crne Gore, predstavnici entitetskih tužilaštava u BiH i Tužilaštva Brčko distrikta BiH.

Sudionici konferencije razgovarali su o saradnji državnih tužilaštava zemalja regiona u procesu definisanja i usaglašavanja teksta Protokola koji bi na najbolji način odražavao interese obje institucije na polju procesuiranja predmeta ratnih zločina. U prilog tome, kao prvi korak u pravcu otvaranja procesa, Državnom odvjetništvu Republike Hrvatske od strane ovog Tužilaštva, dostavljen je nacrt Protokola na razmatranje, a isti je sačinjen po ugledu na usaglašen tekst Protokola sa Tužilaštvom za ratne zločine Republike Srbije.

Nadalje, Tužilaštvo BiH je u postupcima pružanja pravne pomoći, a u skladu sa Zakonom o međunarodnoj pravnoj pomoći u krivičnim stvarima, te potpisanim međudržavnim ugovorima o pružanju pravne pomoći, ostvarivalo sa tužilaštvima regiona stalnu saradnju u pojedinačnim predmetima ratnih zločina.

Također, Tužilaštvo BiH je duži period pregovaralo sa Tužilaštvom za ratne zločine Republike Srbije o potpisivanju Protokola o saradnji u progonu počilaca krivičnih djela ratnih zločina, zločina protiv čovječnosti i genocida, koji je usaglašen 23. 11. 2011. godine sa predstavnicima Tužilaštva za ratne zločine Republike Srbije, i za potpisivanje usaglašenog Protokola se pismeno izjasnilo 35 tužilaca Tužilaštva BiH. Ovaj Protokol parafiran je u decembru 2012. godine, od strane predstavnika Tužilaštva BiH i Tužilaštva za ratne zločine Republike Srbije i obavljene su sve pripreme za potpisivanje istoga koje je planirano za mjesec januar 2013. godine.

**Strateška mjera br. 34** (angažovanje psihologa za pružanje psihološke podrške ugroženim svjedocima u postupku davanja izjave u toku istrage) je također izvršena. Odjel za istrage i podršku svjedocima koji je u Tužilaštvu BiH formiran tokom 2010. godine, efektivno je počeo sa radom 01. 01. 2011. godine i uposleni u ovom odjelu pružaju stručnu i značajnu pomoć ugroženim svjedocima i na taj način daju doprinos efikasnijem vođenju istrage.

### **2.1.3.2. PREDMETI EKSHUMACIJA**

Nakon stupanja na snagu Zakona o krivičnom postupku Bosne i Hercegovine dana 01. 03. 2003. godine, entitetska tužilaštva, tj. kantonalna i okružna tužilaštva, nastavila su po naredbama entitetskih sudova izvršavati naredbe za ekshumaciju u predmetima ratnih zločina. Od kraja 2008. godine Tužilaštvo Bosne i Hercegovine je počelo da zaprima sve informacije vezane za nestale osobe, a gdje se ukaže potreba za izvršenje ekshumacije, da upućuje Sudu Bosne i Hercegovine zahtjeve za izdavanje naredbi za ekshumaciju.

Od 01. 01. 2011. godine, svi zahtjevi i svi predmeti ekshumacije i reekshumacije se rješavaju u Tužilaštvu BiH i preko Suda BiH.

U 2012. godini u Tužilaštvu Bosne i Hercegovine je u radu bilo 1046 KTA-E-RZ predmeta, od kojih je 256 zaprimljeno u rad tokom 2012. godine, dok je 790 KTA-E-RZ predmeta ostalo u radu iz prethodnih godina. 240 predmeta je iskazano završenim tokom 2012. godine. Navedeni predmeti uključuju zahtjeve za ekshumaciju po kojima su izdavane naredbe Suda Bosne i Hercegovine za



ekshumaciju, ali i određene informacije udruženja građana i fizičkih osoba koje nisu do sada dovedene do faze kada se može uputiti potpun prijedlog za izdavanje naredbi za ekshumaciju.

Najveći broj predmeta koji su iskazani kao završeni su iz prethodnih godina. Naime, samo izdavanje naredbe za ekshumaciju ne predstavlja problem, ali ova radnja dokazivanja, koja predstavlja prikupljanje dokaza u predmetima ratnih zločina, traje dugo jer podrazumijeva angažovanje vještaka, vršenje DNK analiza, identifikaciju ekshumiranih posmrtnih ostataka i drugih vrsta vještačenja koja su vrlo kompleksna a koja je potrebno provesti da bi se u potpunosti završila ova radnja dokazivanja.

Tužilaštvo BiH je za 2012. godinu imalo planirana sredstva za ekshumacije i u toku navedene godine preduzimate su odgovarajuće mjere na pripremi svih tehničkih i logističkih uslova radi realizacije zahtjeva za ekshumacije. Akutni problem - pomanjkanje prostora, kako je i očekivano, reflektuje se i na ovu sferu aktivnosti Tužilaštva, s obzirom da se provođenjem ovih istražnih radnji povećava materijalna dokumentacija dokaza nastalih izvršenjem ovih naredbi, koja se pohranjuje u spisima i arhivi Tužilaštva.

### **2.1.3.3. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)**

Saradnja Tužilaštva BiH sa Međunarodnim krivičnim sudom za bivšu Jugoslaviju (MKSJ) je veoma značajna i tokom proteklih godina odvijala se kroz razne oblike i na raznim nivoima, što je nastavljeno i u toku 2012. godine.

U 2012. godini, iz Posebnog odjela za ratne zločine upućena su 72 zahtjeva za pomoć prema Tužilaštvu MKSJ, od kojih je u toku posmatranog perioda završeno 67 zahtjeva, 1 je djelimično riješen, dok 4 zahtjeva još nisu riješena. Ovi zahtjevi odnosili su se na pretrage povjerljivih baza Tužilaštva MKSJ-a, ovjere dokaznog materijala, prikupljanje informacija o svjedocima, pripreme i praćenje postupka za izmjenu mjera za svjedoke koji su odlukama pretresnih i žalbenih vijeća MKSJ-a dobili zaštitu.

U okviru saradnje Tužilaštva BiH sa Tužilaštvom MKSJ-a, organizirane su posjete tužilačkih timova Posebnog odjela za ratne zločine Hagu, a pružana je i pomoć pri pretragama i izradi zahtjeva za međunarodnu pravnu pomoć za kantonalna, okružna i Tužilaštvo Brčko distrikta u BiH.

Sa namjerom daljeg jačanja tužilačkih kapaciteta i aktivnosti u bivšoj Jugoslaviji, Ured tužioca MKSJ-a pokrenuo je program edukacije, uključujući program posjete državnih tužilaca i program posjete mladih stručnjaka, u kojem programu učestvuje i Tužilaštvo BiH. Kroz ovaj program tužioci i uposlenici Posebnog odjela za ratne zločine se upoznaju sa načinom rada timova MKSJ-a i mogućnošću korištenja elektronskih baza podataka i procedura koje se moraju poštovati da bi se pristupilo povjerljivim materijalima u skladu sa Pravilima postupka i dokaza MKSJ-a.

Kroz program posjete mladih stručnjaka omogućena je edukacija i obuka mladih pravnih stručnjaka – pripravnika i stručnih saradnika iz Tužilaštva Bosne i Hercegovine koji su dobili priliku da pomažu Uredu tužioca u radu na predmetima, uključujući rad sa dokazima i drugim pravnim pitanjima,

pohađanje predavanja i prezentacije o raznim temama vezanim za rad Ureda tužioca i MKSJ-a općenito. U toku 2012. godine, u ovaj program uključen je stručni saradnik iz Posebnog odjela za ratne zločine, koji je ujedno i kontakt osoba za Tužilaštvo Bosne i Hercegovine, odnosno Posebni odjel za ratne zločine, kao i saradnici iz Tužilaštva.

### **2.1.4. RAD NA PREDMETIMA**

#### **2.1.4.1. KT-RZ-PREDMETI**

U Posebnom odjelu za ratne zločine 01. 01. 2012. godine, u radu je bilo 925 KT-RZ predmeta protiv 5916 osoba, a od tog broja tokom 2012. godine zaprimljeno je 248 predmeta protiv 1729 osoba.

Tužioci navedenog odjela, u 2012. godini, donijeli su 33 naredbe o provođenju istrage protiv 109 osoba. U 14 predmeta protiv 427 osoba donesene su naredbe o neprovođenju istrage, a u 12 predmeta protiv 119 osoba donesene su naredbe o obustavi istrage.


U 2012. godini tužioci Posebnog odjela za ratne zločine, nakon provedenih istraga protiv 42 osobe, podigli su 24 optužnice.

Tužioci ovog odjela su u 2 predmeta u odnosu na 3 osobe sklopili sporazume o priznanju krivice sa optuženima, koje sporazume je Sud BiH prihvatio, te izrekao osuđujuće presude.

Posebni odjel za ratne zločine je tokom 2012. godine za krivično djelo genocid iz člana 171. KZ-a BiH optužio 2 osobe, za krivično djelo zločini protiv čovječnosti iz člana 172. KZ-a BiH ukupno 11 osoba, za krivično djelo ratni zločin protiv civilnog stanovništva iz člana 173. KZ-a BiH ukupno 10 osoba, za krivično djelo ratni zločin protiv ratnih zarobljenika iz člana 175. KZ-a BiH jednu osobu, od čega su potvrđene 22 optužnice u odnosu na 38 osoba.

Rješavajući po optužnicama ovog odjela, tokom 2012. godine, Sud BiH je nakon provedenog postupka u 16 predmeta protiv 34 osobe donio prvostepene presude, te 22 osobe osudio na kaznu zatvora u ukupnom trajanju od 354 godine i 6 mjeseci, dok je za 12 osoba donio oslobađajuću presudu. Tužioci ovog odjela su u 13 predmeta u odnosu na 27 osoba uložili žalbe, te je tokom posmatranog perioda, obuhvatajući žalbe iz prethodnih godina, 1 žalbu uvažio, 1 žalbu djelimično uvažio, dok je 6 žalbi odbio.

Nadalje, Sud BiH je u 12 predmeta u odnosu na 16 osoba donio drugostepene presude, od kojih je 12 osoba osuđeno na kaznu zatvora u trajanju od 114 godina i 6 mjeseci, u odnosu na 4 osobe je donio oslobađajuću presudu, dok je u odnosu na dvije osobe obustavio postupak.



Slika 3. Pregled tužilačkih odluka u Posebnom odjelu za ratne zločine u 2012. godini

#### 2.1.4.2. OSTALE VRSTE PREDMETA

##### **KTA-RZ PREDMETI**

Tužiocima Posebnog odjela tokom 2012. godine imali su u radu 2.181 KTA-RZ predmet, od kojih je 1.801 predmet kao neriješen prenesen iz prethodnih godina, dok je u 2012. godini zaprimljeno 380 predmeta, a riješeno je 598 predmeta.

Prenošenjem u KT-RZ upisnik riješen je 131 predmet, a 451 predmet je riješen na drugi način, dok je 16 predmeta riješeno naredbom o neprovođenju istrage, što ukupno iznosi 598 riješenih predmeta.

##### **KTN-RZ PREDMETI**

Tužiocima Posebnog odjela za ratne zločine su u 2012. godini u radu imali 427 KTN-RZ predmeta, od kojih je preneseno kao neriješeno 300 predmeta iz ranijih godina, a u 2012. godini ukupno je zaprimljeno 127 KTN-RZ predmeta, a riješena su 24 predmeta.

Prenošenjem u KT-RZ upisnik riješena su 4 predmeta, 18 predmeta je riješeno na drugi način, dok su 2 predmeta riješena naredbom o neprovođenju istrage, što ukupno iznosi 24 riješena predmeta.

### KTPOM PREDMETI


Početak 2012. godine u radu je bilo ukupno 6 predmeta protiv 6 osoba, od kojih je 5 predmeta u odnosu na 5 osoba ostalo neriješeno iz ranijih godina, 1 predmet je primljen u toku 2012. g., a u 2012. godini riješena su i arhivirana 3 predmeta u odnosu na 3 osobe.

### A-RZ PREDMETI

Posebni odjel za ratne zločine je u 2012. godini zaprimio 82 A-RZ predmeta, iz ranijih godina preneseno je 160 predmeta, tako da su ukupno u radu u 2012. godini bila 242 predmeta, od čega je 67 urađeno, a 175 ostalo u radu.

### A-PREDMETI

Za A-upisnik u izvještajnom periodu upisano je 60 predmeta, od toga je riješeno i arhivirano 35 predmeta, tako da je sa krajem 2012. godine ostalo u radu još 25 predmeta.



Slika 4. Pregled KTA-RZ, KTN-RZ, KTPOM i A-RZ predmeta u Posebnom odjelu za ratne zločine u 2012. godini

## **2.1.5. OSTALE AKTIVNOSTI TUŽILACA**

Optužnice, žalbe, naredbe o provođenju istrage, naredbe o obustavi istrage, naredbe o neprovođenju istrage, te okončani KTA-RZ i KTN-RZ predmeti, nisu jedini rezultati rada tužilaca Posebnog odjela za ratne zločine Tužilaštva BiH.

Naime, tužioci Posebnog odjela za ratne zločine su Državnoj agenciji za istrage i zaštitu podnijeli veliki broj naredbi za preduzimanje istražnih radnji.

Po naredbi tužilaca Posebnog odjela za ratne zločine u 2012. godini u 10 predmeta, 14 osoba lišeno je slobode.

Pred Sudom Bosne i Hercegovine, u postupcima vođenim po optužnicama Posebnog odjela za ratne zločine u 2012. godini je održano 926 glavnih pretresa.

Ovi podaci također ukazuju da je veliki broj zakazanih ročišta pred Sudom BiH, s obzirom na kompleksnost i obimnost predmeta ratnih zločina, te također da, zbog zauzetosti sudija i sudnica, suđenja u gotovo svakom predmetu traju dugo, u prosjeku od po godinu i godinu i po dana.

Tokom posmatranog perioda tužioci Odjela I prisustvovali su obaveznim edukacijama u trajanju od 4 radna dana.

Također, tužioci ovog odjela su svoja znanja proširivali na seminarima i konferencijama koje su organizovane od strane raznih domaćih i međunarodnih nevladinih organizacija i državnih institucija. Troje tužilaca iz Posebnog odjela za ratne zločine su u 2012. godini prisustvovali kao edukatori i predavači na način da su svoje znanje i iskustva prezentovali na sljedeće teme:

- *Ratni zločini*
- *Zločini protiv čovječnosti*
- *Saradnja i međusobna pravna pomoć*

Kao i prethodnih godina, i u 2012. godini jedna tužiteljica ovog odjela učestvovala je u radu Tima za praćenje i ocjenu krivičnih zakona BiH pri Ministarstvu pravde BiH sve do 30. 06. 2012. godine, kada je napustila Tužilaštvo.

## **2.1.6. PROBLEMI U RADU POSEBNOG ODJELA ZA RATNE ZLOČINE**

Značajno i najviše korišteno dokazno sredstvo u predmetima ratnih zločina jesu svjedoci, čija je uloga ponekad od presudnog značaja za uspješno okončanje predmeta. Međutim, primjetno je da se svjedoci sve više odlučuju da ne daju izjave te da postoji zamorenost svjedoka zbog davanja izjava više puta, kako u fazi istrage pred Tužilaštvom BiH, tako i na suđenjima pred Sudom BiH.

Značajan problem tokom provođenja postupka predstavljaju loše zdravstveno stanje, godine starosti svjedoka, a naročito smrt ključnih ili jedinih preživjelih svjedoka za predmete ratnih zločina, što sve utiče i na dalji tok postupka.

Kao čest problem se pojavljuje i to da određeni broj svjedoka koji su od velikog značaja za Tužilaštvo i okončanje istrage ne boravi na području BiH, a ne pokazuju spremnost za dolazak radi svjedočenja.

Problemi Posebnog odjela I uočeni u toku 2012. godine, a koji dobrim dijelom potiču i iz ranijeg perioda, ogledaju se i u sljedećem:

- prostorna distanca, kao i činjenica da veći broj svjedoka, kako je već navedeno, ne boravi u BiH, što prouzrokuje trošenje finansijskih resursa kako bi se saslušali svjedoci;
- problemi su evidentni i u postupku ekshumacija, jer ne postoji dovoljan broj patologa, što itekako ima uticaja na to da ovi postupci traju dugo;
- nedostatak uredskog prostora koji se indirektno odražava na produktivnost osoblja;
- nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala.

## **2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (ODJEL II)**

Posebni odjel za organizirani kriminal, privredni kriminal i korupciju (Odjel II) uspostavljen je formiranjem Tužilaštva Bosne i Hercegovine u 2003. godini Odlukom visokog predstavnika za Bosnu i Hercegovinu, kada su Odjel sačinjavali isključivo međunarodni tužioci, ovlašteni u skladu sa tadašnjim izmjenama i dopunama Zakona o Tužilaštvu BiH.

U nadležnost Odjela II spada procesuiranje počinitelja krivičnih djela iz oblasti organiziranog kriminala, privrednog kriminala i korupcije, u skladu sa zakonima Bosne i Hercegovine. Ovdje spadaju krivična djela korupcije koja se odnose na uposlenike u institucijama Bosne i Hercegovine, krivična djela privrednog i finansijskog kriminala, uključujući krivična djela porezne utaje, krijumčarenja, carinskih prevara i pranja novca, te krivična djela organiziranog kriminala uključujući ali i ne ograničavajući se na djela međunarodne trgovine drogama, trgovine ljudima i slična krivična djela propisana Krivičnim zakonom Bosne i Hercegovine.

Nakon Odluke visokog predstavnika u BiH, od 14. 12. 2009. godine, kojom je okončan mandat međunarodnim tužiocima u Posebnom odjelu za organizirani kriminal, privredni kriminal i korupciju, tokom 2012. godine u Odjelu II rade isključivo domaći tužioci, uz prisustvo dva međunarodna pravna savjetnika.

Ispunjavajući ciljeve postavljene pred Tužilaštvo BiH tokom 2012. godine, u Odjelu II je radilo ukupno devet domaćih tužilaca, raspoređenih u devet tužilačkih timova.


Tužiocima u radu na predmetima stručnu i administrativnu pomoć pruža ostalo osoblje koje čini 1 stručni savjetnik, 11 stručnih saradnika-pravnika, 2 istražioca, 2 međunarodna savjetnika, 5 koordinatora predmeta (od kojih su se 2 finansirala isključivo od strane Ureda registrara), 5 daktilografa, 3 pripravnika i 2 volontera.

Stručni saradnici-pravnici i savjetnici pružaju pravne usluge tužiocima, u zavisnosti od tima u koji su raspoređeni, i to na način da vrše analizu pravnih propisa, pišu sažetke predmeta, prijedloge i podneske sudu, pripremaju nacрте optužnica, zahtjeva, prijedloga, asistiraju u organiziranju predmeta za suđenje, dok zajedno sa istražiocima, po ovlaštenju tužioca ispituju osumnjičene, saslušavaju svjedoke, prisustvuju glavnim pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih osoba kako je to predviđeno u članu 20. stavu 1. tački g) Zakona o krivičnom postupku Bosne i Hercegovine. Međunarodni savjetnici pružali su pomoć u međunarodnim krivičnim istragama.

Radi što efikasnijeg provođenja istraga, u Odjelu II rad je zasnovan na principu formiranja tužilačkih timova koji se sastoje od jednog ili više tužilaca, stručnih saradnika, stručnih savjetnika i istražilaca kao i drugog administrativnog osoblja. Tužilački timovi, u okviru istraga koje provode, ostvaruju blisku saradnju sa odgovarajućim timovima različitih agencija za provođenje zakona u ovisnosti od vrste predmeta na kojima se radi.



U predmetima u kojima tokom istrage dođe do lišavanja slobode većeg broja osoba (grupe za organizirani kriminal u skladu sa članom 1. stavom 20. Krivičnog zakona BiH), više tužilačkih timova zajednički rade na takvom predmetu sa ciljem efikasnog, blagovremenog i zakonitog okončanja istrage.



Slika 5 . Organizaciona šema Posebnog odjela za organizirani kriminal, privredni kriminal i korupciju

U periodu obuhvaćenom ovom informacijom, funkciju rukovodioca Odjela II vršio je domaći tužilac i rad Odjela zasnovan je isključivo na domaćim kapacitetima, s tim što su podršku u radu Odjela II pružala dva međunarodna savjetnika.

U toku 2012. godine u radu Odjela II primjenjivani su Kriteriji za raspodjelu predmeta između odjela Tužilaštva BiH broj A-518/09 od 30. 06. 2009. godine. Prema tim kriterijima Odjelu II raspodjeljuju se:

- svi predmeti organiziranog kriminala, organiziranog privrednog kriminala iz nadležnosti Tužilaštva BiH;
- predmeti za krivična djela terorizma iz člana 201. KZ-a BiH i krivična djela finansiranja terorističkih aktivnosti iz člana 202. KZ-a BiH;

## INFORMACIJA O RADU 2012

- predmeti za krivična djela trgovine ljudima iz člana 186. KZ-a BiH i krijumčarenje ljudi iz člana 189. KZ-a BiH, kada se radi o 10 ili više krijumčarenih osoba odnosno žrtava trgovine ili koji uključuju izuzetno otežavajuće ili posebne okolnosti;
- predmeti za krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 1.000.000,00 KM;
- predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM;
- krivična djela u vezi korupcije visokih zvaničnika Bosne i Hercegovine i odgovornih osoba s najvišim funkcijama u privrednim društvima i drugim pravnim osobama;
- drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službene ili ovlaštene osobe kada je krivično gonjenje od posebne važnosti za Bosnu i Hercegovinu, zbog okolnosti ili načina na koje je djelo izvršeno, o čemu će odlučiti glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, u toku 2012. godine, Odjel II je radio po Internom pravilniku Odjela II A-249/08 od 12. 05. 2008. godine, koji je izmijenjen i dopunjen 18. 03. 2009. godine. Internim pravilnikom regulisan je interni rad Odjela.

### **2.2.1. STRUKTURA KRIVIČNIH DJELA U PREDMETIMA ODJELA II**

Rad Odjela II usmjeren je na predmete koji zadovoljavaju usvojene interne kriterije, odnosno na ozbiljnije i kompleksnije predmete organiziranog kriminala, privrednog kriminala i korupcije, kao i predmete terorizma.

I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko distrikta, kao i predmeti koji su oformljeni na osnovu usmenih ili pismenih prijava građana.

U 2012. godini u Odjelu II doneseno je 65 naredbi o provođenju istrage protiv ukupno 391 osobe. Nadalje, doneseno je 28 naredbi o neprovođenju istrage protiv 125 osoba, dok je u 8 predmeta donesena naredba o obustavi istrage protiv 78 osoba.

U 2012. godini podignuto je 47 optužnica protiv 188 osoba. Sud BiH je postupajući po optužnicama Odjela II izrekao 54 presude protiv ukupno 162 osobe. Zaključujemo da su tužioci Odjela II Tužilaštva BiH konačnom tužilačkom odlukom okončali 174 predmeta protiv 748 osoba.

## INFORMACIJA O RADU 2012


Nadalje, broj zaključenih sporazuma o priznanju krivice je ukupno 41 protiv 104 osobe, dok je Sud Bosne i Hercegovine u toku posmatranog perioda prihvatio sporazume u odnosu na 103 osobe, te je na drugi način (ustupanje) riješeno 27 prijava protiv 114 osoba i 5 istraga protiv 16 osoba.

Zatvorske kazne izrečene su u 38 predmeta u odnosu na 88 osoba, uslovne kazne izrečene su u 16 predmeta u odnosu na 54 osobe, dok je novčana kazna izrečena u odnosu na 1 osobu. Donesene su 2 oslobađajuće presude u odnosu na 23 osobe, te odbijajuća u odnosu na 2 osobe. U odnosu na sve donesene presude tužiocu Posebnog odjela II uložili su žalbe u ukupno 12 predmeta u odnosu na 37 osoba, od kojeg broja je uvaženo 8 žalbi u odnosu na 25 osoba, a 4 žalbe u odnosu na 9 osoba su odbijene.

U toku posmatranog perioda u predmetima Odjela II, izrečene su kazne zatvora u ukupnom trajanju od 194 godine, 89 mjeseci i 59 dana, novčane kazne, kao glavne ili sporedne u ukupnom iznosu od 1.465.000 KM, te je oduzeto različitih oblika imovinske koristi u ukupnoj vrijednosti od 1.204.880,02 KM, 2.200,00 H. Kuna i 33.265€.

Odjel je započeo posmatrati period sa ukupno 104 neriješena izvještaja protiv 737 osoba, dok je u toku posmatranog perioda zaduženo 125 novih predmeta protiv 1006 osoba.

Tužiocu Odjela II su u toku 2012. godine saslušali 358 svjedoka u 84 predmeta, ispitali 261 osumnjičenu osobu u 72 predmeta, uradili 33 pritvorska predmeta sa 120 osoba, vode 72 predmeta sa 297 optuženih u glavnom pretresu, prisustvovali su glavnim pretresima ukupno 733 dana u toku godine te provode posebne istražne radnje u 60 predmeta.




Slika 6. Pregled procesnih odluka u Posebnom odjelu za organizirani kriminal, privredni kriminal i korupciju u 2012. godini

**2.2.1.2. OSTALE VRSTE PREDMETA**

Pored navedenog, Odjel II je u toku 2012. godine radio na 578 KTA predmeta, iz prethodne godine preneseno je 368 predmeta, riješeno 210 predmeta, te je zaprimljeno 210 novih predmeta. Kada je riječ o KTPOM predmetima u toku 2012. godine, rađeno je na 20 predmeta, iz prethodne godine preneseno je 8 predmeta, riješen je 1 predmet.

Za KTN predmete u toku 2012. godine u radu je bilo 10 predmeta, preneseno iz prethodne godine 10 predmeta. U vezi KTM predmeta, tužiocu Odjela II su radili na 2 predmeta, od čega su 2 predmeta prenesena iz prethodne godine.



Slika 7. Pregled KTA, KTPOM, KTN i KTM predmeta u Posebnom odjelu za organizirani kriminal, privredni kriminal i korupciju u 2012. godini

**STRUKTURA KRIVIČNIH DJELA ZA KOJA JE PODIGNUTO 47 OPTUŽNICA  
PROTIV 188 OSOBA**

KRIVIČNO DJELO PROPISANO KRIVIČNIM ZAKONOM BOSNE I HERCEGOVINE	BROJ PODIGNUTIH OPTUŽNICA
	predmeti/osobe
Krijumčarenje ljudi, član 189.	2/7
Trgovina ljudima, član 186.	1/2
Neovlašteni promet oružjem i vojnom opremom te proizvodima dvojne upotrebe, član 193.	1/4
Neovlašteni promet opojnim drogama, član 195.	12/30
Terorizam, član 201.	1/3
Krivotvorenje novca, član 205.	4/8
Porezna utaja ili prevara, član 210.	1/2
Krijumčarenje, član 214.	1/2
Davanje lažnog iskaza, član 235.	1/1
Sprečavanje dokazivanja, član 236.	2/2
Nedozvoljeno korištenje autorskih prava, član 243.	1/1
Krivično djelo krijumčarenje ljudi, član 189.	3/12
Nedozvoljen promet akciznih proizvoda, član 210a.	7/8
Udruživanje radi činjenja krivičnih djela u vezi sa krivičnim djelom krijumčarenje ljudi, član 249. u vezi sa članom 189.	1/3
Organizirani kriminal u vezi sa krivičnim djelom krijumčarenje ljudi, član 250. u vezi sa članom 189.	2/7
Organizirani kriminal u vezi sa krivičnim djelom pranje novca, član 250. u vezi sa članom 209.	1/10
Organizirani kriminal u vezi sa krivičnim djelom neovlašteni promet opojnim drogama, član 250. u vezi sa članom 195.	7/58
Udruživanje radi činjenja krivičnih djela, član 249.	1/4
Organizirani kriminal u vezi sa krivičnim djelom porezna utaja ili prevara, član 250. u vezi sa članom 210.	1/36

## **2.2.2. PROBLEMI U RADU ODJELA II**

Problemi Odjela II uočeni u toku 2012. godine, a koji dobrim dijelom potiču i iz ranijeg perioda, ogledaju se u sljedećem:

- prostorna distanca velikog broja svjedoka (otežan dolazak svjedoka), iz razloga što se u Odjelu II rade veoma kompleksni predmeti u kojima se saslušava veliki broj svjedoka koji nerijetko nisu sa područja Kantona Sarajevo, te je otežan dolazak istih u cilju svjedočenja;
- problemi vještačenja u složenim predmetima iz razloga što u dosta predmeta koji su u radu Odjela II tužiocima nisu u mogućnosti pronaći adekvatne sudske vještace, te se često angažuju vještaci iz inostranstva, što predstavlja velike troškove za Tužilaštvo BiH zbog gore navedenog;
- Odjel II Tužilaštva Bosne i Hercegovine pokriva rad na najsloženijim predmetima organizovanog kriminala, korupcije, privrednog kriminala i terorizma, stoga je neophodno edukovati tužioce, stručne savjetnike i stručne saradnike, a Tužilaštvo Bosne i Hercegovine, zbog nedostatka sredstava, nije u mogućnosti plaćati odlazak na edukacije u dovoljnoj mjeri;
- nedostatak uredskog prostora koji se indirektno odražava na produktivnost osoblja;
- nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala.

## **2.3. ODJEL III**

### **2.3.1. KADROVSKA STRUKTURA ODJELA III**

Odjel III Tužilaštva BiH je i u 2012. godini zadržao dosadašnju strukturu i formu u radu, što znači da u ovom Odjelu ne postoje formirani timovi, tužioci funkcionišu samostalno uz pomoć stručnih savjetnika i stručnih saradnika, s tim da se zakazuju kolegiji tužilaca na kojima tužioci međusobno ostvaruju saradnju razmjenom mišljenja i iskustva u radu, te zajednički prevazilaze probleme sa kojima su suočeni u radu po zaduženim predmetima.

U toku 2012. godine, rukovodilac Odjela je, kao i prethodne godine, obavljao poslove v. d. glavnog tužioca, dok je tužilac iz ovog Odjela obavljao dužnost v. d. rukovodioca Odjela. Nadalje, u mjesecu januaru 2012. godine, jedan tužilac je premješten iz Odjela III u Posebni odjel za ratne zločine. Napominjemo da je jedan od tužilaca u 2012. godini, kao i prethodnih godina, bio član VSTV-a BiH, a samim tim i često angažovan na poslovima u radu tog Vijeća.

Imajući u vidu gore navedene promjene, predmeti u Odjelu III su 2012. godine raspoređivani u rad na šest tužilaca.


Navedene kadrovske promjene znatno su uticale na broj tužilačkih odluka donesenih tokom 2012. godine, a o čemu će biti govora u nastavku teksta. Broj stručnih savjetnika koji su pomoć u radu pružali svim tužiocima je u odnosu na proteklu godinu ostao nepromijenjen, tj. stručnu pomoć u KT predmetima iz privrede i jedinstva tržišta te oblasti carina, tužiocima je pružao jedan stručni savjetnik ekonomske struke, koji je istovremenu pomoć pružao i tužiocima POOK-a, te jedan stručni savjetnik pravnik.

Nadalje, podršku u radu tužiocima Odjela III, u posmatranom periodu, pružala su i tri stručna saradnika, što je znatno manje nego u prethodnoj godini, s obzirom da su se tri stručna saradnika u toku 2012. godine nalazila na bolovanju.

U toku 2012. godine broj daktilografa u ovom Odjelu ostao je nepromijenjen u odnosu na 2011. godinu, tj. tužioci Odjela III su prema unaprijed postignutom dogovoru, u svom radu dijelili pet daktilografa, s obzirom da je jedan od daktilografa Odjela III u toku 2012. godine raspoređen kod v. d. glavnog tužioca.

Tokom izvještajnog perioda Odjel III je imao dva pripravnika i jednog volontera.





Slika 8 . Organizaciona šema Odjela III

### 2.3.2. RASPODJELA PREDMETA U ODJELU III

Što se tiče vrste i strukture krivičnih djela u predmetima po kojima postupa Odjel III, Internim kriterijima za raspodjelu predmeta unutar odjela Tužilaštva BiH, koji datiraju od 30. 06. 2009. godine, određeno je da su u nadležnosti Odjela III sljedeći predmeti:

I. Predmeti svih krivičnih djela iz nadležnosti Tužilaštva BiH osim:

- krivičnih djela djelokruga rada Posebnog odjela za ratne zločine u smislu člana II Internih kriterija za raspodjelu predmeta od 30. 06. 2009. godine;
- krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu izmjena Internih kriterija od 30. 06. 2009. godine.

## INFORMACIJA O RADU 2012

2. Predmeti po krivičnim djelima korupcije koja počine službene osobe i odgovorne osobe, a koje nisu visoki zvaničnici niti odgovorne osobe s najvišim funkcijama u privrednom društvu ili drugim pravnim osobama u smislu tačke 3. člana III ovih kriterija.
3. Predmeti u vezi zahtjeva za izručenje, molbi za pružanje pravne pomoći i pitanja iz oblasti međunarodne pravne pomoći i saradnje.

U cilju pojašnjenja naprijed navedenog, neophodno je istaći da Odjel III radi na svim predmetima iz nadležnosti Tužilaštva BiH, uključujući i neke predmete iz organiziranog kriminala koje glavni tužilac svojom odlukom signira u rad tužiocima ovog Odjela. Nadalje, imovinski cenzus odlučan za raspodjelu predmeta u rad Odjelu III, u odnosu na krivična djela iz glave XVIII Krivičnog zakona BiH, tj. krivična djela protiv privrede, jedinstva tržišta, te krivična djela iz oblasti carine, ne prelazi iznos od 1.000.000,00 KM.

Kada su u pitanju krivična djela povrede autorskih prava iz glave XXI Krivičnog zakona BiH, imovinska vrijednost pribavljenja izvršenjem navedenog krivičnog djela također ne prelazi iznos od 1.000.000,00 KM.

U skladu sa gore navedenim kriterijima, u nadležnosti Odjela III su i predmeti trgovine ljudima iz člana 186. Krivičnog zakona BiH i krijumčarenje ljudi iz člana 189. Krivičnog zakona BiH, uvijek kada je u iste involvirano manje od 10 žrtava trgovine ljudima ili krijumčarenih osoba, isključujući s tim u vezi predmete nastale kao posljedica izvršenja krivičnih djela pod izuzetno otežavajućim ili posebnim okolnostima.

Nadalje ističemo, kao i prethodnih godina, Interni kriteriji su uzrok znatnog priliva predmeta u Odjel III Tužilaštva BiH, s obzirom da se povećao imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim internim kriterijima za raspodjelu predmeta od 20. 07. 2007. godine, inače raspoređivani u rad Posebnom odjelu za organizirani kriminal, privredni kriminal i korupciju.

Pored navedenog, povećanje broja krijumčarenih osoba, te osoba – žrtava trgovine ljudima u svim predmetima u odnosu na krivično djelo krijumčarenje ljudi iz člana 189. KZ-a BiH i krivično djelo trgovine ljudima iz člana 186. KZ-a BiH, jednim dijelom doprinjelo je također dodatnom prilivu predmeta ove vrste u Odjelu III, a što se u konačnici odrazilo i na ukupan broj predmeta u radu ovog Odjela.

### **2.3.3. AKTIVNOSTI U PREDMETIMA PRUŽANJA MEĐUNARODNE PRAVNE POMOĆI**

Bitno je naglasiti postupanje Odjela III po predmetima naprijed naznačenim pod red. br. 3, odnosno, predmetima koji se tiču pružanja međunarodne pravne pomoći i izvršenja međunarodnih ugovora u krivičnopравnim stvarima, odnosno, predmetima izručenja osumnjičenih, optuženih i osuđenih osoba (KTPOM, KTEKS predmeti). Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.).

U ovim predmetima postupa se u skladu sa konvencijama koje je ratifikovala Bosna i Hercegovina te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, usljed čega je pružanje pravne pomoći i stvarna obaveza za Bosnu i Hercegovinu.

U radu po ovim predmetima, pored Zakona o međunarodnoj pravnoj pomoći u krivičnim stvarima, direktno se primjenjuju i međunarodne konvencije i to:

- Evropska konvencija o međusobnom pružanju pravne pomoći u krivičnim stvarima, Strazbur, 20. 04. 1959. godine;
- Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17. 03. 1978. godine;
- Evropska konvencija o ekstradiciji, Pariz, 13. 12. 1957. godine;
- Dodatni protokol uz Evropsku konvenciju o ekstradiciji, Strazbur, 15. 10. 1975. godine;
- Drugi dodatni protokol uz Evropsku konvenciju o ekstradiciji, Strazbur, 17. 03. 1978. godine;
- Evropska konvencija o prenosu postupka u krivičnim stvarima, Strazbur, 15. 03. 1972. godine;
- Evropska konvencija o transferu osuđenih osoba, Strazbur, 21. 03. 1983. godine;
- Evropska konvencija o obavještenju o stranom pravu, London, 07. 06. 1968. godine;
- Konvencija o centru za provođenje zakona u Jugoistočnoj Evropi, Bukurešt 26. 05. 1999. godine.

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

Od posebne važnosti za Bosnu i Hercegovinu je ratifikacija Ugovora o autorskom pravu Svjetske organizacije za intelektualno vlasništvo usvojenog na Diplomatskoj konferenciji dana 20. 01. 1996. godine, s obzirom da je u Bosni i Hercegovini iz godine u godinu evidentan porast krivičnih djela povrede autorskih prava.

## **2.3.4 ZAPRIMLJENI PREDMETI, PREDMETI U RADU, KAO I OKONČANI PREDMETI ODJELA III**

### **2.3.4.1. KT PREDMETI**

Odjel III je u 2012. godini imao u radu ukupno 478 KT predmeta protiv 939 osoba, od kojih su 192 predmeta u odnosu na 429 prijavljenih osoba prenesena iz ranijih godina, dok je 286 predmeta u odnosu na 510 osoba zaprimljeno tokom posmatranog perioda.

Od ukupnog broja KT predmeta, tužioci ovog Odjela su tokom 2012. godine u skladu sa članom 216. stavovima 1. i 2. ZKP-a BiH, donijeli 182 naredbe o provođenju istrage protiv 292 osobe, te su na osnovu odredbi člana 216. st. 3. ZKP-a BiH u 2012. godini u 65 predmeta donesene naredbe o neprovođenju istrage prema 127 osoba.

Tužioci Odjela III su u posmatranom periodu u skladu sa odredbama člana 224. stava 1. ZKP-a BiH, u 2012. godini, u 50 predmeta donijeli naredbe o obustavi istrage protiv 97 osoba sa svim popratnim obavještenjima propisanim članom 224. stavom 2. ZKP-a BiH.

U posmatranom periodu, na drugi način je riješeno ukupno 26 KT predmeta prema 59 osoba.

Nadalje, činjenica je da u Odjelu III, kao i prethodne godine, postoji veliki broj predmeta u kojima je potrebno da se provedu neophodna vještačenja kada su u pitanju pojedina krivična djela u predmetima privrednog kriminala, zbog njihove složenosti, ista obično traju duži period, a to nužno za posljedicu ima probijanje navedenog šestomjesečnog roka zakonom određenog za okončanje istrage.

Osim navedenog, s obzirom da je među prijavljenim osobama – počiniocima navedene vrste krivičnih djela veliki broj državljana NR Kine, veliki problem u radu također predstavljaju i nedostatak prevodioca kineskog jezika, a često i nedostupnost tih stranih državljana ovom Tužilaštvu, koji u velikom broju slučajeva, nakon počinjenja nekog od naprijed navedenih krivičnih djela, u cilju izbjegavanja krivične odgovornosti, napuštaju teritoriju Bosne i Hercegovine uništavajući prethodno svu dokumentaciju o poslovanju, a time i dokaze neophodne za dokumentovanje prijavljenog krivičnog djela.

Naprijed navedene naredbe o provođenju istrage rezultirale su podizanjem 117 optužnica u KT predmetima protiv 141 osobe, sa sljedećom strukturom krivičnih djela:

INFORMACIJA O RADU 2012

Re. broj	Naziv krivičnog djela	Broj podignutih optužnica prema predmetima	Broj podignutih optužnica prema osobama
1.	Član 149. Zakon o industrijskom vlasništvu u BiH (Povreda tuđeg žiga)	1	2
2.	Član 189. Krivični zakon BiH (krijumčarenje osoba)	4	6
3.	Član 192. Krivični zakon BiH (ugrožavanje osobe pod međunarodnom zaštitom)	1	1
4.	Član 193. Krivični zakon BiH (neovlašteni promet oružjem i vojnom opremom, te proizvodima dvojne upotrebe)	2	3
5.	Član 195. Krivični zakon BiH (neovlašten promet opojnim drogama)	6	9
6.	Član 205. Krivični zakon BiH (krivotvorenje novca)	0	27
7.	Član 210. Krivični zakon BiH (porezna utaja)	13	14
8.	Član 210a. Krivični zakon BiH (nedozvoljeni promet akciznih proizvoda)	7	7
9.	Član 211. Krivični zakon BiH (neplaćanje poreza)	3	3
10.	Član 214. Krivični zakon BiH (krijumčarenje)	11	15
11.	Član 216. Krivični zakon BiH (carinska prevara)	4	6
12.	Član 217. Krivični zakon BiH (primanje dara i drugih oblika koristi)	3	4
13.	Član 218. Krivični zakon BiH (davanje dara i drugih oblika koristi)	1	1
14.	Član 222. Krivični zakon BiH (prijevара u službi)	1	1
15.	Član 243. Krivični zakon BiH (nedozvoljeno korištenje autorskih prava)	39	41
16.	Član 347. Krivični zakon RS (zloupotreba službenog položaja ili ovlaštenja)	1	1
	<b>UKUPNO:</b>	<b>117</b>	<b>141</b>

## INFORMACIJA O RADU 2012

Zaključno sa 31. 12. 2012. godine, Sud Bosne i Hercegovine je potvrdio 117 optužnica prema 142 osobe. Tokom posmatranog perioda, tužioci Odjela III su u 79 predmeta zaključili sporazum o priznanju krivice sa 105 osoba, koji su tokom posmatranog perioda od strane Suda Bosne i Hercegovine prihvaćeni u 76 predmeta prema 100 osoba, dok je u 4 predmeta protiv 6 osoba sporazum odbijen.


Podizanje optužnica tokom 2012. godine rezultiralo je izricanjem 142 presude u odnosu na 183 osobe, od kojih je 135 osuđujućih presuda prema 174 osobe i to: u 33 predmeta prema 47 osoba izrečena je zatvorska kazna u ukupnom trajanju od 55 godina 7 mjeseci i 30 dana, pri čemu su se pojedinačno izrečene zatvorske kazne kretale u rasponu od 30 dana do 4 godine. Zatim, u 20 predmeta prema 23 osobe izrečena je novčana kazna, i to kao glavna kazna u ukupnom novčanom iznosu od 76.000,00 KM, a kao sporedna kazna, u ukupnom novčanom iznosu od 39.000,00 KM.

Uslovna osuda je izrečena u 82 predmeta prema 104 osobe.

U posmatranom periodu oduzeta je imovinska korist pribavljena izvršenjem krivičnih djela u ukupnom novčanom iznosu od 1.795.632,28 KM i 100 €. Tokom 2012. godine Sud Bosne i Hercegovine je donio 4 oslobađajuće presude u odnosu na 5 osoba, te je u 3 predmeta za 4 osobe Sud Bosne i Hercegovine donio odbijajuću presudu.

Nezadovoljni donesenim odlukama Suda Bosne i Hercegovine, tužioci ovog Odjela uložili su 8 žalbi (u odnosu na 10 osoba), od kojih je 5 uvaženo (prema 7 osoba), 4 žalbe su odbijene (prema 5 osoba).


Također je potrebno napomenuti da su tužioci Odjela III u toku 2012. godine prisustvovali na 662 ročišta. Nadalje ističemo u 9 predmeta za 19 osoba u Odjelu III određen je pritvor.



Slika 9. Pregled tužilačkih odluka u KT predmetima Odjela III u 2012. godini

## INFORMACIJA O RADU 2012

Potrebno je naglasiti da je u posmatranom periodu od 478 predmeta protiv 939 osoba, koji su bili u radu u 2012. godini, konačnim tužilačkim odlukama riješeno 258 predmeta protiv 424 osobe, a što iznosi **54%** od ukupnog broja predmeta koji su bili u radu u 2012. godini.



Slika 10. Prikaz riješenih KT predmeta Odjela III u 2012. godini

### **2.3.4.2. KTA PREDMETI**

U periodu od 01.01. do 31. 12. 2012. godine, Odjel III je imao u radu ukupno 632 KTA predmeta, od kojih je 208 predmeta preneseno iz ranijih godina, dok su u posmatranom periodu zaprimljena 424 predmeta. Tužiocu Odjela III su u 2012. godini završili ukupno 371 KTA predmet, tako da je u radu ostao 261 neriješen predmet, te treba imati u vidu činjenicu da navedeni predmeti zahtijevaju posebnu pažnju tužilaca budući da se u predmetima sa ovom oznakom zavode revizorski izvještaji, neizvršenje presuda Ustavnog suda BiH, te događaji nakon izvršenih izbora u BiH za koje postoji osnov sumnje da mogu biti kvalifikovani kao izborne prevare i zloupotreba biračkog prava, a s obzirom da izvještaji za ove informacije i općenito ulazne informacije u Tužilaštvo BiH ne dostavljaju agencije za provođenje zakona nego razni organi i institucije, u istim se, u cilju utvrđivanja da li određeni događaji uopšte predstavljaju krivično djelo, provodi niz istražnih radnji koje nerijetko traju duži period. U nekim od KTA predmeta su tokom 2012. godine provedene posebne istražne radnje, koje s obzirom na njihovu složenost, također zahtijevaju posebnu pažnju u radu tužilaca, kao i više vremena za njihovo okončanje.

### **2.3.4.3. AKTIVNOSTI PO PREDMETIMA KTA RZ**

Također je bitno napomenuti da su tužiocu Odjela III u mjesecu januaru i februaru 2012. godine, u skladu sa Obaveznim opštim uputstvom v. d. glavnog tužioca, izvršili pregled ukupno 166 KTA-RZ

predmeta, te su za iste sačinili sažetke i dali svoje prijedloge u svakom pojedinačnom predmetu, a što im je oduzelo vrijeme za rad na predmetima iz nadležnosti Odjela III.

### **2.3.4.4. PREDMETI PRUŽANJA MEĐUNARODNE PRAVNE POMOĆI U KRIVIČNIM STVARIMA (KTPOM, KTEKS)**

U posmatranom periodu Odjel III je imao u radu ukupno 161 predmet u vezi sa 226 osoba, koji se odnose na postupke pružanja međunarodne pravne pomoći, izručenja osoba, izvršenja inostranih sudskih odluka, te provođenja istražnih radnji, od kojih su 33 predmeta u vezi sa 42 osobe prenesena iz ranijih godina, dok je u 2012. godini zaprimljeno 128 predmeta u vezi sa 184 osobe. U 2012. godini je od ukupnog broja predmeta završeno 107 predmeta prema 145 osoba, dok su u radu ostala još 54 predmeta u odnosu na 81 osobu.

### **2.3.4.5. KTM PREDMETI**

U pogledu predmeta koji se odnose na maloljetne počinioce krivičnih djela, Odjel III je u 2012. godini imao u radu ukupno 10 KTM predmeta u odnosu na 15 maloljetnih osoba, od kojih je iz ranijih godina ostao u radu 1 predmet u odnosu na 1 maloljetnu osobu, dok je u 2012. godini zaprimljeno 9 KTM predmeta prema 14 maloljetnih osoba. Tokom 2012. godine, od ukupnog broja predmeta koji se odnose na maloljetne počinioce krivičnih djela, tužioci ovog Odjela su donijeli 3 naredbe o nepokretanju postupka prema 3 maloljetne osobe, te 5 prijedloga o pokretanju pripremnog postupka protiv 10 maloljetnih osoba. Od ukupnog gore navedenog broja, tužioci Odjela III riješili su ukupno 8 predmeta prema 13 maloljetnih osoba, dok su na kraju 2012. godine ostala u radu 2 KTM predmeta u odnosu na 2 maloljetne osobe.

### **2.3.4.6. KTN PREDMETI**


Protiv nepoznatih počinitelja krivičnih djela, Odjel III je u posmatranom periodu imao u radu ukupno 47 predmeta, od kojih je iz ranijih godina preneseno 15 predmeta, dok su u 2012. godini zaprimljena 32 predmeta. Na kraju izvještajnog perioda, tužioci Odjela III riješili su 18 predmeta, dok je u radu ostalo još 29 predmeta.

### **2.3.4.7. A PREDMETI**

Odjel III je u 2012. godini imao u radu ukupno 55 A predmeta, od kojih je iz ranijih godina preneseno 30, dok je u toku 2012. godine zaprimljeno 25 predmeta, od kojih su zaključno sa 31. 12. 2012. godine okončana 22 predmeta, dok su u 2013. godini prenesena 33 neriješena predmeta.




## INFORMACIJA O RADU 2012



Slika 10. Pregled KTA, KTM, KTN, KTPOM/KTEKS i A predmeta u Odjelu III u 2012. godini

### 2.3.4.8. UKUPAN RAD NA RAZNIM PREDMETIMA

U toku 2012. godine od ukupnog broja od 1.383 predmeta sa kojima su u posmatranom periodu bili zaduženi tužioci Odjela III, tužioci su tužilačkim odlukama i na drugi način riješili ukupno 784 predmeta, što čini **57%** od ukupnog broja predmeta sa kojima su tužioci bili zaduženi.



Slika 11. Prikaz riješenih svih predmeta u Odjelu III u 2012. godini

### **2.3.5. OSTALE AKTIVNOSTI**

U cilju stručnog osposobljavanja, tužioci, stručni savjetnik i stručni saradnici Odjela III su u 2012. godini sudjelovali na seminarima održanim u organizaciji centara za edukaciju sudija i tužilaca, te su svi ispunili obavezni broj dana prisustvovanja tim seminarima, što podrazumijeva četiri dana za tužioce, a osam za stručne saradnike.

Na ovom mjestu neophodno je istaći da su u posmatranom periodu tužioci ovog Odjela, iz navedenih razloga bili spriječeni posvetiti se radu na zaduženim predmetima ukupno 28 dana.

Pored toga, tužioci ovog Odjela su tokom posmatranog perioda također uzeli obavezno učešće i u radu brojnih radnih grupa i konferencija koje su održavane u organizaciji raznih državnih ustanova i institucija, te nevladinih organizacija na području Bosne i Hercegovine, ali i na regionalnim i međunarodnim seminarima, budući da se samo u Odjelu III Tužilaštva BiH obavljaju poslovi pružanja međunarodne pravne pomoći.

### **2.3.6. PROBLEMI U RADU ODJELA III**

Odjel III je, kao i u ranijim godinama, bio Odjel sa najmanjim brojem tužilaca, najvećim brojem zaprimljenih predmeta, ali sa najvećim brojem donesenih odluka. Veliki broj zakazanih pretresa također predstavlja poteškoću u svakodnevnom radu, imajuću u vidu nedovoljan broj tužilaca;

Također treba naglasiti činjenicu da, u odnosu na ostala dva odjela Tužilaštva, samo Odjel III nije uživao podršku Ureda registrara BiH u 2012. godini;

S obzirom da se samo u Odjelu III Tužilaštva BiH obavljaju poslovi pružanja međunarodne pravne pomoći, svi tužioci su, osim učešća na seminarima održanim u organizaciji centara za edukaciju sudija i tužilaca bili obavezni sudjelovati u radu brojnih radnih grupa i konferencija koje su održavane u organizaciji raznih državnih ustanova i institucija, te nevladinih organizacija, a što je za njih, s obzirom na broj predmeta u radu, predstavljalo dodatno opterećenje;

Nastavljen je i priliv KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, kao i onih KTA predmeta za čije postupanje u startu nije bilo nadležno Tužilaštvo, koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT predmetima.

## INFORMACIJA O RADU 2012

Osim navedenog, veliki problem u radu također predstavlja i nedostatak samostalnosti u radu policijskih organa, kao i dostava često nepotpune dokumentacije, koja samim tim usporava rad tužilaca.

Odjel III nikada nije bio kadrovski popunjen, odnosno imao je nedovoljan broj daktilografa i stručnih saradnika. Tužiocima nisu imali stalno angažovanog daktilografa te rad na predmetima koji zahtijevaju daktilografsku pomoć moraju prilagoditi obavezama svojih radnih kolega, zbog čega često sa istim dolaze u situaciju vremenskog preklapanja zakazanih ročišta za ispitivanje osumnjičenih i saslušanje svjedoka;

- Nedostatak uredskog prostora koji se indirektno odražava na produktivnost osoblja;
- Nedovoljan i neadekvatan prostor za čuvanje aktivnih spisa, kao i arhiviranje završenih spisa te pohranjivanje privremeno oduzetih predmeta i drugog dokaznog materijala;

### 3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije).

Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ-a BiH koja su svrstana u kolonu „Ratni zločin“ i po kojima postupa Odjel I.

#### TABELARNI PRIKAZI RADA TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA ZA PERIOD 01. 01. -31. 12. 2012.

Podaci o prijavama iskazani po osobama/predmetima za period 01.01.-31.12.2012.

Vrsta predmeta "Kt"	Neriješeno prijava iz ranijih godina	Primljeno prijava u toku izvještajnog perioda	Ukupno u radu prijava u toku izvještajnog perioda	Riješeno prijava u toku izvještajnog perioda	Djelimično riješeno prijava u toku izvještajnog perioda	Neriješeno prijava na kraju izvještajnog perioda
KOLONA =	I	II	III (III = I+II)	IV	V	VI VI = III -IV
Privredni kriminal	780/217	1117/257	1117/474	609/208	0	1288/266
Ratni zločin	2957/303	1729/248	4686/551	1402/205	0	3284/346
Opći kriminal	387/103	399/153	786/232	441/158	0	345/74
<b>Ukupno</b>	<b>4124/599</b>	<b>3245/658</b>	<b>7369/1257</b>	<b>2452/571</b>	<b>0</b>	<b>4917/686</b>

## INFORMACIJA O RADU 2012

Tabela II: Podaci o istragama iskazani po osobama/predmetima za period 01. 01.-31. 12. 2012. godine

Vrsta predmeta "Kt"	Neriješene istrage iz ranijih godina	Naređeno istraga u toku izvještajnog perioda	Ukupno u radu istraga u toku izvještajnog perioda	Ukupno riješeno istraga u toku izvještajnog perioda	Djelimično riješeno istraga u toku izvještajnog perioda	Broj <u>neriješenih</u> istraga na kraju izvještajnog perioda
KOLONA =	I	II	III (III = I+II )	IV	V	VI VI = III - IV
Privredni kriminal	605/170	385/126	990/298	245/125	0	745/171
Ratni zločin	1084/309	109/33	1193/342	318/111	0	875/231
Opći kriminal	371/74	298/119	669/193	275/101	0	394/92
<b>Ukupno</b>	<b>2060/553</b>	<b>792/278</b>	<b>2852/833</b>	<b>838/337</b>	<b>0</b>	<b>2014/494</b>

Tabela III: Vrste procesnih odluka donesenih u Kt predmetima po osobama/predmetima u periodu 01. 01. - 31. 12. 2012.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o neprovođenju istrage	Broj naredbi o provođenju istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	161/69	385/126	63/13	94/44	144/78	7/3
Ratni zločin	427/14	109/33	867/151	119/12	41/23	158/76
Opći kriminal	92/25	298/119	51/14	81/14	185/86	9/2
<b>Ukupno</b>	<b>680/108</b>	<b>792/278</b>	<b>981/178</b>	<b>294/70</b>	<b>370/187</b>	<b>174/81</b>

## INFORMACIJA O RADU 2012

Tabela IV: Podaci o podignutim optužnicama iskazani po osobama/predmetima

Vrsta predmeta "Kt"	Broj optužnica podignutih prije izvještajnog perioda, a u kojima do 1. 1. 2011. godine nije bila donesena odluka o potvrđivanju ili odbijanju potvrđivanja	Ukupan broj podignutih optužnica u toku izvještajnog perioda	Ukupan broj podignutih optužnica*	Ukupan broj potvrđenih optužnica u toku izvještajnog perioda*	Broj optužnica čije je potvrđivanje odbijeno	Broj optužnica povučenih prije donošenja odluke o potvrđivanju	Optužnice riješene na drugi način	Broj optužnica podignutih u toku izvještajnog perioda, a u kojima sa 31. 12.2012. nije donesena odluka o potvrđivanju ili odbijanju potvrđivanja	Broj optužnica povučenih nakon potvrđivanja
KOLONA =	I	II	III* III = I+II	IV	V	VI	VII	VIII	IX
Privredni kriminal	5/3	144/78	149/81	146/79	3/2	0	0	0	0
Ratni zločin	10/3	42/24	52/27	38/22	0	0	0	14/5	0
Opći kriminal	0	185/86	185/86	179/85	0	0	0	6/1	0
<b>Ukupno</b>	<b>15/6</b>	<b>371/188</b>	<b>386/194</b>	<b>363/186</b>	<b>3/2</b>	<b>0</b>	<b>0</b>	<b>20/6</b>	<b>0</b>

Vrsta predmeta "Kt"	Broj optužnica podignutih u toku izvještajnog perioda*			Broj potvrđenih optužnica u toku izvještajnog perioda*		
	sa krivičnim nalogom	bez krivičnog naloga	sa predloženim sporazumom o priznanju krivice	sa krivičnim nalogom	bez krivičnog naloga	sa predloženim sporazumom o priznanju krivice
KOLONA =	X	XI	XII	XIII	XIV	XV
Privredni kriminal	9/9	130/64	5/5	9/9	132/65	5/5
Ratni zločin	0	42/24	0	0	38/22	0
Opći kriminal	13/13	165/69	7/4	13/13	159/68	7/4
<b>Ukupno</b>	<b>22/22</b>	<b>337/157</b>	<b>12/9</b>	<b>22/22</b>	<b>329/155</b>	<b>12/9</b>

## INFORMACIJA O RADU 2012

Tabela V: Podaci o vremenskoj strukturi potvrđenih, a neriješenih optužnica iskazanih po osobama/predmetima za period 01.01.-31.12.2012.

Vrsta predmeta "Kt"								Ukupno	Ukupan broj neriješenih potvrđenih optužnica na dan 01.01.2012.	Ukupan broj potvrđenih optužnica u toku izvještajnog perioda	Ukupan broj potvrđenih riješenih donošenjem odluke suda u toku izvještajnog perioda	Ukupan broj neriješenih potvrđenih optužnica na dan 31.12.2012.
	optužnice potvrđene prije 2008.	optužnice potvrđene u toku 2008.	optužnice potvrđene u toku 2009.	optužnice potvrđene u toku 2010.	optužnice potvrđene u toku 2011.	optužnice potvrđene u toku 2012.						
KOLONA =	I	II	III	IV	V	VI	VII (VII = I+II+III+IV+V+VI+VI)	VIII	IX	X	XI=VII	
Privredni kriminal	8/7	5/4	7/4	9/8	14/10	75/26	118/59	135/84	146/79	163/104	118/59	
Ratni zločin												
Opći kriminal	18/6	0	2/2	8/4	27/4	53/18	108/34	120/45	179/85	191/96	108/34	
<b>Ukupno</b>	<b>26/13</b>	<b>5/4</b>	<b>9/6</b>	<b>17/12</b>	<b>41/14</b>	<b>226/93</b>	<b>226/93</b>	<b>255/129</b>	<b>325/164</b>	<b>354/200</b>	<b>226/93</b>	



## INFORMACIJA O RADU 2012

Tabela VI: Podaci o vrstama sudskih odluka iskazani po osobama/predmetima za period 01. 01.-31. 12. 2012.



Vrsta predmeta "Kt"	Broj predmeta u kojima je donesena odluka u toku izvještajnog perioda:										Ukupan broj donesenih sudskih odluka	Broj predmeta u kojima je povučena optužnica nakon potvrđivanja do početka glavnog pretresa	Broj predmeta u kojima je došlo do odustajanja od optužnice do završetka glavnog pretresa
	Rješenja o obustavi postupka	Odbijajuće presude	Oslobađajuće presude	Krivično djelo počinjeno u stanju neuračunljivosti	Osuđujuće presude / izrečene kazne					Ukupno osuđujućih presuda			
KOLONA =	I	II	III	IV	V zatvorska	VI novčana	VII uslovna	VIII opomen e	IX oslobađajuće	X=V+...IX	XI XI =I+II+III+ V+X	XII	XIII
Privredni kriminal	1/1	3/2	20/3	0/0	43/31	9/6	86/60	0/0	0/0	138/97	0/0	0/0	0/0
Ratni zločin	2/2	0/0	12/4	0/0	22/12	0/0	0/0	0/0	0/0	22/12	0/0	0/0	0/0
Opći kriminal	4/2	3/2	8/2	0/0	88/39	15/14	72/37	0/0	0/0	175/90	0/0	0/0	0/0
<b>Ukupno</b>	<b>7/5</b>	<b>6/4</b>	<b>40/9</b>	<b>0/0</b>	<b>153/82</b>	<b>24/20</b>	<b>158/97</b>	<b>0/0</b>	<b>0/0</b>	<b>335/199</b>	<b>0/0</b>	<b>0/0</b>	<b>0/0</b>
Vrsta predmeta "Kt"	broj predlož enih sporazum a	broj odbačenih sporazuma	osuđujuće presude po sporazumu o priznanju krivice	broj predloženih sporazuma o kojima sud nije odlučio									
KOLONA =	XIV	XV	XVI	XVII									
Privredni kriminal	82/56	2/1	82/55	1/1									
Ratni zločin	3/2	0/0	3/2	0/0									
Opći kriminal	119/61	1/1	116/58	7/5									
<b>Ukupno</b>	<b>204/119</b>	<b>3/2</b>	<b>201/115</b>	<b>8/6</b>									



## GRAFIČKI PRIKAZI POTVRĐENIH OPTUŽNICA U PERIODU OD PRIJE 2008. GODINE DO KRAJA 2012. GODINE



## INFORMACIJA O RADU 2012



## **4. OSTVARIVANJE FUNKCIJE TUŽILAŠTVA KROZ DRUGE AKTIVNOSTI**

### **4.1. UVOD**

U prethodnim poglavljima ove informacije izložen je pregled djelovanja tužilačkih odjela, kroz koje se suštinski i realizira funkcija Tužilaštva BiH.

Ipak, Tužilaštvo, svoju funkciju ostvaruje i kroz druge aktivnosti koje ne spadaju u postupanje po pojedinačnim krivičnim predmetima. Pregled najznačajnijih aktivnosti ove vrste izložen je u poglavljima koja slijede.

### **4.2. RAD UPRAVE TUŽILAŠTVA**

U toku 2012. godine, kao i u prethodnom periodu, u okviru uprave Tužilaštva pružana je podrška radu tužilačkih odjela u smislu pružanja posebne stručne podrške radu tužilaca u krivičnim predmetima kao i opće podrške u smislu obezbjeđenja obavljanja stručnih, administrativno-tehničkih i općih poslova, kojima se stvaraju neophodni uslovi za rad tužilaca.

Osim naprijed navedenog, kroz upravu Tužilaštva realizira se i učešće Tužilaštva u aktivnostima vezanim za proces evropskih integracija, monitoring bezviznog režima za građane Bosne i Hercegovine, programiranje i implementaciju raznih projekata, postupanja po zahtjevima podnesenim na osnovu Zakona o zaštiti tajnih podataka kao i zahtjeva podnesenih na osnovu Zakona o slobodi pristupa informacijama i drugih zahtjeva raznih institucija, nevladinih organizacija i građana, dostavljanja Visokom sudskom i tužilačkom vijeću BiH raznih podataka neophodnih za njihov rad i drugo.

Za posmatrani period značajno je istaći izuzetan angažman od strane Tužilaštva na rješavanju pitanja smještajnih kapaciteta Tužilaštva.

Rad uprave Tužilaštva dijelom se može prikazati i kroz pregled zaprimljenih i riješenih predmeta administrativne prirode kako slijedi: A (predmeti korespondencije sa raznim institucijama, drugim pravnim i fizičkim osobama, korespondencije unutar Tužilaštva, sporazumi odnosno memorandumi, razni izvještaji i dr.) zaprimljeno 1.004 predmeta, arhivirano 799 predmeta, ostalo u radu 205 predmeta; A-I (razne informacije o radu Tužilaštva uključujući informacije o radu u pojedinim krivičnim predmetima po zahtjevima raznih pravnih i fizičkih osoba, informacije

## INFORMACIJA O RADU 2012

o statusu pojedinih osoba u odnosu na evidencije Tužilaštva po zahtjevima ovlaštenih agencija i drugih institucija) zaprimljeno 165 predmeta, arhivirano 155 predmeta, ostalo u radu 10 predmeta; A-R (korespondencija u odnosu na razne konferencije, seminare, radionice i slično, razne obavijesti i drugo) zaprimljeno 22 predmeta, arhivirano 15 predmeta, ostalo u radu 7 predmeta; P (predmeti vezani za radne odnose) zaprimljeno 444 predmeta, arhivirano 444 predmeta; R (predmeti materijalno finansijske prirode) zaprimljeno 1.807, arhivirano 1.807.

Nadalje evidentirane su i 3.084 izvršene provjere u bazi IDDEEA, zatim skeniranja dokaznog materijala u 446 predmeta, kopiranja CD/DVD dokaznih snimaka i dokumentacije po 2.005 zahtjeva te je specijalnim alatima obrađeno po 130 zahtjeva audio/video snimaka.

Na predmetima A, A-I, i A-R, pretežnim dijelom postupano je u Kabinetu glavnog tužioca i Uredu sekretara, a po znatno manjem broju ovih predmeta postupano je u okviru tužalačkih odjela što je u prethodnom dijelu ove informacije i prikazano (evidentirano 115 predmeta od čega je riješeno 57 predmeta, a ostalo neriješeno 58 predmeta).

Na predmetima sa oznakom P postupano je u Odjelu za pravne, administrativno-tehničke i opće poslove, a jednim dijelom i u okviru Ureda sekretara.

Na predmetima sa oznakom R postupano je u Odjelu za materijalno-finansijske poslove, a provjere u IDDEEA bazi, skeniranje, kopiranje i obrađivanje dokaznog materijala vršeno je u okviru Odjela za IKT i obradu elektronskog dokaznog materijala.

### **4.2.1. SPECIFIČNE AKTIVNOSTI KABINETA GLAVNOG TUŽIOCA**

Kabinet glavnog tužioca je i u 2012. nastavio vršiti poslove stručne podrške u radu v. d. glavnog tužioca Tužilaštva.

Kroz Kabinet glavnog tužioca pružana je podrška radu Kolegija glavnog tužioca koji se u posmatranom periodu sastojao od vršioca dužnosti glavnog tužioca, te rukovodilaca Posebnog odjela za ratne zločine, Posebnog odjela za organizirani kriminal, privredni kriminal i korupciju i Odjela III Tužilaštva. Sjednicama kolegija su prisustvovali i u radu učestvovali i tužilac, koji je član Visokog sudskog i tužilačkog vijeća Bosne i Hercegovine, i sekretar Tužilaštva. Kolegij glavnog tužioca je u toku 2012. godine održavao kontinuirane sedmične sastanke radi usaglašenog rješavanja aktuelnih pitanja vezanih za rukovođenje i planske aktivnosti Tužilaštva. Sastancima Kolegija glavnog tužioca po potrebi prisustvuju i drugi tužioci ili zaposlenici, radi referisanja ili učestvovanja u odlučivanju po tematskim pitanjima.

Kabinet je pružao podršku v. d. glavnog tužioca i zamjenicima glavnog tužioca u sastancima sa različitim institucionalnim i vaninstitucionalnim subjektima koji se obraćaju glavnom tužiocu, te priprema odgovore na ovakva traženja i zahtjeve. Kabinet učestvuje i u strateškim aktivnostima Tužilaštva BiH, sačinjavajući analize i izvještaje o konkretnim aspektima rada, radi pripreme i predstavljanja Tužilaštva, od strane glavnog tužioca, na različitim radnim i tematskim konferencijama i savjetovanjima. Na polju asistencije glavnom tužiocu, Kabinet priprema i interne akte kojima se koordinira djelovanje svih odjela Tužilaštva BiH u pogledu aktuelnih pravnih pitanja.

U okviru Kabineta glavnog tužioca rješavaju se žalbe na odluke tužilaca o neprovođenju ili obustavi istrage u pojedinim predmetima. U toku protekle godine zaprimljeno je ukupno 46 žalbi, od kojih su u posmatranom periodu riješene 34 žalbe (predmeti sa oznakom „A-P“).

Kabinet vodi kontinuiranu evidenciju i prati tok postupaka povodom apelacija pred Ustavnim sudom BiH, a vezane su za krivične postupke pred Sudom BiH. Zaprimljeno je i riješeno 4 predmeta po apelacijama Ustavnom sudu BiH na krivične predmete Tužilaštva BiH (predmeti sa oznakom A-US).

### **4.3. UČEŠĆE TUŽILAŠTVA BiH NA SASTANCIMA KOORDINACIJE DIREKTORA POLICIJSKIH AGENCIJA I GLAVNOG TUŽIOCA BiH**

Tokom 2012. godine, sastanci koordinacije direktora policijskih agencija u BiH i glavnog tužioca su održani 4 puta, u Konjicu, na Vlašiću, u Sarajevu i Brčkom. Organizaciju sastanaka, po sistemu rotacije, realizirali su direktori i čelni zvaničnici institucija uključenih u koordinaciju.

Na redovnim sastancima koordinacije direktora policijskih agencija i glavnog tužioca tokom 2012. godine, sudjelovali su:

- glavni tužilac Tužilaštva BiH,
- direktor Direkcije za koordinaciju policijskih tijela BiH,
- direktor Državne agencije za istrage i zaštitu-SIPA,
- direktor Granične policije BiH,
- direktor Službe za poslove sa strancima BiH,

## INFORMACIJA O RADU 2012

- sekretar Ministarstva sigurnosti BiH,
- direktor Federalne uprave policije MUP-a FBiH,
- direktor Policije MUP-a RS,
- šef Policije Brčko distrikta BiH,
- predstavnik policijskih komesara kantonalnih MUP-ova u FBiH,
- šef Misije EUPM-a ili zvaničnici EUPM-a (do kraja misije u junu 2012. godine)
- predstavnici Ambasade SAD-a u BiH i predstavnici projekta ICITAP.

Sastancima su se, po potrebi priključivali i predstavnici ostalih policijskih, sigurnosnih i pravosudnih agencija u BiH.

Ispred Tužilaštva BiH, ovim sastancima, pored glavnog tužioca, po potrebi su se priključivali i Božo Mihajlović, zamjenik glavnog tužioca i rukovodilac Posebnog odjela za organizirani kriminal, privredni kriminal i korupciju, kao i Dubravko Čampara, tužilac u Posebnom odjelu za organizirani kriminal, privredni kriminal i korupciju. Prisustvo tužilaca bilo je potrebno radi toga što su na sastancima obrađivana pitanja u čije su rješavanje uključeni navedeni tužioci.

Na ovim sastancima, čelnici agencija za provođenje zakona u BiH, imaju mogućnost direktno razgovarati o konkretnoj saradnji između policijskih agencija i tužilaca, poteškoćama koje se pojavljuju u praksi i saradnji, te pitanjima koja se tiču borbe protiv svih oblika organiziranog kriminala, sigurnosne situacije u BiH, situacije u vezi razmjene podataka i informacija između agencija i drugim bitnim pitanjima.

Tokom 2012. godine, na sastancima koordinacije, u više navrata razgovarano je o situaciji u vezi primjene bezviznog režima za građane BiH, te zajedničkom djelovanju na sprečavanju pojava lažnih azilanata sa pasošima BiH u zemljama Evropske unije. Također je razgovarano i o ostalim aktivnostima koje su potrebne kako bi se spriječilo ugrožavanje bezviznog režima za građane BiH.

Na sastancima koordinacije razgovarano je i o praktičnim pitanjima vezanim za razmjenu podataka između policijskih agencija u BiH, funkcioniranju sistema za zakonito presretanje telekomunikacija, kao i o uspostavi kapaciteta i sistema za kontrolu prelaska državne granice.

Također je razgovarano o realizaciji i provođenju združenih policijskih akcija po nalogu Tužilaštva, kojih je tokom 2012. godine bilo nekoliko (akcije kodnih naziva „Taksa“, „Boss“, „Lutka“, „Mašina“ i druge), a u kojima je na terenu sudjelovalo i po nekoliko stotina policijskih službenika iz više policijskih agencija. Ove akcije bile su usmjerene na otkrivanje i krivično procesuiranje osoba osumnjičenih za organizirani kriminal, u vezi sa finansijskim kriminalom, poreznim utajama i drugim teškim krivičnim djelima.

Među drugim pitanjima bitnim za sigurnost u Bosni i Hercegovini, razgovarano je o saradnji agencija za provođenje zakona u BiH, kao i saradnji sa partnerskim agencijama u regionu i inostranstvu.

Važnije vijesti i informacije sa sastanaka proslijeđene su medijima i sredstvima informisanja.

Sudionike sastanka koordinacije, tokom 2012. godine, posjetili su i iskazali podršku u radu, ministar sigurnosti BiH te ambasador i zamjenik ambasadora SAD-a u BiH, kao i šef delegacije EU i specijalni predstavnik EU u BiH.

### **4.4. RAD OPERATIVNE GRUPE ZA BORBU PROTIV TERORIZMA**

U cilju unapređenja postojeće međuagencijske saradnje i blagovremene razmjene operativnih saznanja te stvaranja odgovarajućeg okvira za blagovremeno proaktivno djelovanje i postupanje svih nadležnih agencija u odnosu na postojeće bezbjednosne izazove i rizike, interesantne sa aspekta borbe protiv terorizma, ekstremizma i radikalizma, 2010. godine je uspostavljena Operativna grupa za borbu protiv terorizma. Interes za učešće u uspostavi i radu Operativne grupe iskazali su predstavnici svih nadležnih institucija u BiH i to na način da su nominovali jednog ili više predstavnika iz svojih agencija za svakodnevni rad u Operativnoj grupi.

Nakon što je od strane Državne agencije za istrage i zaštitu BiH obezbijeden kancelarijski prostor i dio informatičke opreme, u martu 2011. godine Operativna grupa je počela sa radom na konkretnim predmetima i to na način prioritete aktivnosti po „obavještajnim metama” delegiranim u proteklom periodu od strane Udarne grupe za borbu protiv terorizma. To se

prvenstveno odnosi na predmet „Gornja Maoča”, u kojem je objedinjena kompletna pismena dokumentacija sačinjena u ovom predmetu od strane FMUP-a, SIPA-e (Operativna akcija „Svjetlost”). Dokumentacija je u prostorijama Operativne grupe izanalizirana, skenirana, sačinjeni su pojedinačni presjeci saznanja o svim osobama koje su tretirane u okviru ovog predmeta, zatim su bezbjednosno-interesantna saznanja unesena u raspoložive analitičke programe, te su predložene dalje konkretne mjere i radnje na prikupljanju potrebnih bezbjednosno-interesantnih saznanja.

Tužilaštvo BiH je preuzelo 39 predmeta koji su u ranijem periodu bili zaprimljeni u rad Udarne grupe za borbu protiv terorizma. U prostorijama Operativne grupe pomenuti predmeti su također, izanalizirani, skenirani, uneseni u raspoložive baze podataka i nakon toga vraćeni Udarnoj grupi za borbu protiv terorizma.

Po naredbama Tužilaštva, članovi Operativne grupe su bili uključeni, direktno ili indirektno, u svaki od registrovanih događaja u BiH, odnosno u bezbjednosno-interesantne događaje gdje je postojala sumnja u povezanost sa terorizmom ili krivičnim djelima koja imaju obilježja terorizma. Radi se o konkretnim terorističkim aktima kao što je napad na Ambasadu SAD-a, zatim prijetnjama predstavnicima vlasti u BiH, predstavnicima međunarodnih organizacija i institucija i sličnim događajima. Uključivanje članova Operativne grupe se ogledalo, shodno potrebama i mogućnostima, i u tome da su članovi Operativne grupe kroz svoje matične institucije učestvovali u provođenju potrebnih istražnih aktivnosti na terenu ili su indirektno, vršeci provjere kroz raspoložive evidencije svojih agencija, ustupali podatke i saznanja agencijama koje su bile zadužene za vođenje istrage u konkretnom slučaju.

Dosadašnje aktivnosti Operativne grupe doprinjele su blagovremenoj razmjeni i prikupljanju korisnih saznanja između postupajućih agencija, što je rezultiralo bržom identifikacijom mogućih počinitelaca krivičnog djela.

Neophodno je ovdje ukazati i na značaj međuagencijske saradnje i zajedničkog postupanja u borbi protiv terorizma. Članovi Operativne grupe su u saradnji sa predstavnicima međunarodnih institucija koje su podržavale i pomagale rad Operativne grupe, inicirali i održali niz radnih sastanaka sa predstavnicima lokalnih policijskih agencija i policijskim agencijama susjednih država, kako bi bliže upoznali iste o trenutnim aktivnostima i kapacitetima Operativne



## INFORMACIJA O RADU 2012

grupe, ukazali na značaj i potrebu saradnje i blagovremene razmjene operativnih saznanja. Tako su u proteklom periodu održani sastanci sa predstavnicima KMUP-a Bihać, Policije Brčko distrikta i MUP-a RS, te predstavnicima MUP-a R Srbije. Kao rezultat ovih aktivnosti navodimo saradnju sa KMUP-om Bihać, gdje su primjenjivane posebne istražne radnje u odnosu na izvjestan broj osoba, te se došlo do identifikacije osoba bezbjednosno-interesantnih sa aspekta rada Operativne grupe, kao i saradnju sa MUP-om R Srbije u razmjeni raspoloživih saznanja o osobama koje se dovode u vezu sa počinjenim terorističkim aktom na Ambasadu SAD-a u Sarajevu, izvršenim 28. 10. 2011. godine.

Saradnja članova Operativne grupe u proteklom periodu ostvarena je i sa predstavnicima drugih međunarodnih institucija koje su podržavale i pomagale uspostavu i rad Operativne grupe, odnosno vršile edukaciju članova Operativne grupe kroz specijalističke obuke i kurseve. U pogledu pomenutih obuka navodimo da su članovi Operativne grupe pohađali više seminara i radionica na teme interesantne za dalji rad Operativne grupe. Izdvajamo seminare koji su organizovali predstavnici Vlade SAD-a u BiH – prvenstveno ICITAP i dr. (seminar na Vlašiću i u Sarajevu), zatim predstavnici policijskih snaga iz Francuske, Mađarske i drugih zemalja.

Tokom proteklih aktivnosti Operativna grupa zaprimila je i 34 dolazna akta na osnovu kojih su sačinjena 274 presjeka saznanja, 85 službenih zabilješki, te 31 akt upućen drugim nadležnim institucijama.

Naime, od samog početka formiranja, Operativna grupa radi u nepotpunom sastavu, jer nedostaju potrebna finansijska sredstva za boravak i smještaj predstavnika policijskih agencija koji nemaju sjedište u Sarajevu. Također, nisu riješeni ni radno-pravni statusi pripadnika operativne grupe, te se rješenje ovog pitanja očekuje u 2013. godini.

## **4.5. RAD UDARNE GRUPE ZA BORBU PROTIV TRGOVINE LJUDIMA I ORGANIZOVANE ILEGALNE IMIGRACIJE**

Udarne grupa za borbu protiv trgovine ljudima i organizovane ilegalne imigracije (u daljem tekstu „Udarne grupa“) je formirana od strane Vijeća ministara BiH, Odlukom o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 3/04), sa izmjenama i dopunama Odluke o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 103/06).

Udarne grupa je u skladu sa Planom rada u 2012. godini, održala 12 redovnih mjesečnih sastanaka.

Udarne grupa je učestvovala u istraživanju 69 slučajeva vezanih za trgovinu ljudima i ilegalnu imigraciju, kroz formiranja operativnih istražnih timova koji su planiranim akcijama učestvovali u istraživanju pojedinih slučajeva trgovine ljudima i ilegalne imigracije.

Saradnja sa Uredom državnog koordinatora za borbu protiv trgovine ljudima i ilegalne imigracije temelji se na Memorandumu o saradnji, s tim da je državni koordinator i stalni član Udarne grupe, koji je isto kao i svi članovi Udarne grupe imenovan rješenjem Ministarstva sigurnosti BiH. Uključivanje državnog koordinatora u rad Udarne grupe se pokazalo korisnim za realizaciju operativnih aktivnosti Udarne grupe, a imajući u vidu strateške ciljeve koji su definisani u Strategiji za borbu protiv trgovine ljudima, čija provedba je povjerena Ministarstvu sigurnosti BiH - Uredu državnog koordinatora za borbu protiv trgovine ljudima i ilegalne imigracije.

U cilju uspostavljanja uspješnije saradnje i upoznavanja sa mogućnostima pružanja pomoći Udarnoj grupi, u mjesecu decembru 2012. godine održan je sastanak na kojem su pored članova Udarne grupe, prisustvovali i predstavnici Ministarstva sigurnosti BiH, Direkcije za koordinaciju policijskih tijela - Interpol, Ministarstva za ljudska prava i izbjeglice, te predstavnici Centra za socijalni rad.

Unaprijeđena je saradnja i sa nevladinim organizacijama putem neposrednog kontakta na konkretnim slučajevima, što je značajno doprinjelo da se zakonom reguliše status žrtava trgovine ljudima. Posebno se tu ističe saradnja sa Međunarodnim forumom solidarnosti EMMAUS, čiji predstavnik redovno prisustvuje sastancima Udarne grupe i izvještava o podršci i

pomoći koju pružaju žrtvama trgovine ljudima. Članovi Udarne grupe su posjetili jednu od sigurnih kuća, gdje su imali mogućnost da se neposredno upoznaju sa uslovima rada i zbrinjavanjem žrtava trgovine ljudima, te da razgovaraju sa istima.

Treba istaći i učešće članova Udarne grupe u edukativnim aktivnostima koje organizuje Međunarodni forum solidarnosti - EMMAUS, kao i učešće u svojstvu predavača na seminarima koje su organizovale nevladine i međunarodne organizacije/NVO, Međunarodni forum solidarnosti EMMAUS, OSCE, UNICEF, ICMPD, UNDP, Save The Children i drugi.

Također, članovi Udarne grupe iz reda tužilaca bili su angažovani u radne grupe koje je formiralo Ministarstvo sigurnosti BiH, te su na taj način bili uključeni u projekte koji se vežu za oblast trgovine ljudima, dječije pornografije, seksualnog zlostavljanja djece i drugih srodnih oblasti.

Članovi Udarne grupe uključeni su u radne grupe međunarodnog nivoa, kao što su JIT (Zajednički istražni tim), projekat koji realizuje Ministarstvo pravde BiH, i TRM (Transnacionalni regionalni timovi) za borbu protiv trgovine ljudima i organizovane ilegalne imigracije – ICMPD i UNDP.

### **4.6. RAD TIMA ZA PRAĆENJE I OCJENU KRIVIČNIH ZAKONA BOSNE I HERCEGOVINE**

U 2012. godini, nastavljen je rad Tima za praćenje i ocjenu krivičnih zakona Bosne i Hercegovine.

Tim je formiran sa prioriternim zadatkom usklađivanja domaćeg krivičnog zakonodavstva sa međunarodnim standardima, te su u tom cilju članovi Tima bili angažovani na sačinjavanju prijedloga izmjena Krivičnog zakona i Zakona o krivičnom postupku Bosne i Hercegovine radi harmonizacije odredbi ovih zakona sa međunarodnim konvencijama ratificiranim od strane Bosne i Hercegovine. Pored toga, Tim ima nadležnost da prati i ocjenjuje praktičnu primjenu krivičnih zakona i zakona o krivičnim postupcima Bosne i Hercegovine i da interveniše u

slučajevima kada praksa ukazuje na potrebu izmjene ili dopune pojedinih odredbi ovih zakona.

Djelujući kao članovi Tima, u periodu obuhvaćenom ovom informacijom, predstavnici Tužilaštva BiH su inicirali izmjene, odnosno dopune više odredbi Zakona o krivičnom postupku Bosne i Hercegovine i Krivičnog zakona BiH. Također, zauzimali su stavove po pitanju odredbi Nacrta zakona o Sudu BiH (prevashodno postojećeg člana 7. navedenog Zakona). Članovima Tima su dostavljani pisani i argumentovani stavovi Kolegija Tužilaštva Bosne i Hercegovine kojima se ukazuje na probleme u praktičnoj primjeni određenih odredbi navedenih zakona, uz konkretne prijedloge za njihovu izmjenu, odnosno, dopunu. Tim je tako u cijelosti prihvatio stav Kolegija Tužilaštva BiH o izmjeni i dopuni člana 7. stava 2. Zakona o Sudu BiH, u verziji koju je Kolegij predložio.

Predstavnici Tužilaštva su, između ostalog, aktivno učestvovali u radu Tima kod razmatranja i finaliziranja prijedloga izmjena i dopuna odredbi zakona koje se odnose na trgovinu ljudima, pranje novca i finansiranje terorizma. Učestvovali su i u razmatranju preporuka GRECO-a u oblasti korupcije (trgovina uticajem, podmićivanje stranih i međunarodnih aktera), te davali sugestije i mišljenja u vezi s nacrtima novih krivičnih djela i to člana 186a. "organizovana međunarodna trgovina ljudima", člana 189a. "organizovanje grupe ili udruženja za izvršenje krivičnog djela krijumčarenja migranata", kao i izmjene odredaba koje se odnose na oduzimanje predmeta i propisivanje mogućnosti da se od učinioca krivičnog djela oduzmu i objekti ukoliko su isti služili za izvršenje krivičnog djela, odnosno korišteni prilikom izvršenja djela.

### **4.7. ODNOSI S JAVNOŠĆU**

U posmatranom periodu nastojala se unaprijediti saradnja sa medijima putem informisanja medija i građana o radu Tužilaštva BiH, kao i misiji i ulozi ove institucije u procesu reforme pravosuđa i uspostave vladavine prava. Tokom 2012. godine, povećan je obim aktivnosti u naprijed navedenom smislu, zbog povećanja broja podignutih optužnica, donesenih tužilačkih odluka i drugih aktivnosti koje su poduzimali tužioci i osoblje Tužilaštva BiH.

U 2012. godini, putem Odjela za odnose s javnošću, Tužilaštvo BiH je prosljedilo medijima 355 informacija za medije i saopštenja za javnost, koje se odnose na aktivnosti Tužilaštva.

## INFORMACIJA O RADU 2012

Informacije su plasirane prema više od 300 primalaca informacija diljem Bosne i Hercegovine, među kojima su novinari elektronskih i printanih medija, novinske redakcije, informativni internet portali, nevladine organizacije, agencije za provođenje zakona, kao i drugi pojedinci ili organizacije zainteresovani za rad Tužilaštva. Također, vijesti i informacije za medije se, u verziji na engleskom jeziku, distribuiraju međunarodnim medijima i novinskim agencijama.

Informacije su pripremane na sva tri službena jezika u Bosni i Hercegovini (bosanski, hrvatski i srpski jezik), na latiničnom i ćirilichnom pismu. Također, u skladu sa dugogodišnjom praksom, vijesti i informacije se pripremaju i na engleskom jeziku, te objavljuju na dijelu web stranice na engleskom jeziku.

Tokom 2012. godine provedene su aktivnosti na približavanju rada Tužilaštva lokalnim zajednicama. Navedene aktivnosti su realizirane putem okruglih stolova i konferencija, na kojima su se predstavnici Tužilaštva susretali i razgovarali sa predstavnicima udruženja žrtava, nevladinih organizacija, lokalnih organa uprave, te predstavnicima policije i pravosuđa u lokalnim zajednicama diljem Bosne i Hercegovine. Na okruglim stolovima, prisutnim učesnicima je prezentovan dosadašnji rad i organizacija Tužilaštva, statistika vezana za rad na predmetima, kao i informacije u vezi sa nekim pravosnažno okončanim predmetima ratnih zločina. Na ovaj način, predstavnicima lokalnih zajednica omogućen je bolji uvid u strukturu predmeta i dinamiku rada tužilaca i osoblja Tužilaštva, u procesu otkrivanja i procesuiranja počinitelja krivičnih djela iz nadležnosti ove institucije, a naročito krivičnih djela ratnih zločina počinjenih tokom rata u Bosni i Hercegovini. Putem ovih aktivnosti, Tužilaštvo je približavalo svoj rad lokalnim zajednicama i ostvarivalo bitne kontakte sa predstavnicima udruženja žrtava i nevladinih organizacija.

Tokom 2012. godine, odgovoreno je na više od 400 upita novinara i medija vezanih za rad i predmete u Tužilaštvu. Rukovodilac Odjela za odnose s javnošću, kao glasnogovornik Tužilaštva, te uposlenici ovog Odjela, dali su mnogobrojne TV i radijske izjave za medije, vezane za vijesti i informacije iz Tužilaštva.

U posmatranom periodu plasirano je preko 100 vijesti i informacija o provedenim procesima ekshumacija i pronalazjenja posmrtnih ostataka nestalih osoba, koje su tokom 2012. godine provedene uz nadzor uposlenika Tužilaštva.

Uz brojne vijesti i informacije za medije, plasirane su i fotografije te video-materijali sa ciljem što bolje prezentacije rada Tužilaštva.

Vjesti i informacije se plasiraju i putem web stranice Tužilaštva. Prema evidenciji pristupa, web stranica je tokom 2012. godine zabilježila 77.772 pristupa i više od 215 hiljada pregleda. Ovi podaci pokazuju da je internet stranica Tužilaštva, u prosjeku, svakog dana bilježila više od 210 posjeta, što je velika posjećenost ako se ima u vidu da se ne radi o stranici komercijalnog sadržaja. Najviše posjeta internet stranici Tužilaštva ostvareno je sa područja Bosne i Hercegovine, a posjete su ostvarene i iz Republike Hrvatske, Republike Srbije, SAD-a, Njemačke, Holandije, Slovenije, BJR Makedonije, Crne Gore i drugih zemalja.

### **4.8. EDUKACIJA TUŽILACA I STRUČNOG OSOBLJA TUŽILAŠTVA BiH U 2012. GODINI**

Tužiocima i stručno osoblje imaju obavezu prisustva edukacijama koje se organizuju od strane centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.

Naprijed navedene edukacije su u toku 2012. godine organizovane od strane entitetskih centara za edukaciju sudija i tužilaca u saradnji s Ambasdom SAD-a putem ureda američkog Ministarstva pravde za razvoj, pomoć i obuku tužilaštava u prekomorskim zemljama (OPDAT), Centrom za rehabilitaciju žrtava torture, Ministarstvom sigurnosti BiH - Odsjek za borbu protiv trgovine ljudima i Međunarodnim forumom solidarnosti – EMMAUS, USAID-ovim projektom razvoja sektora pravosuđa JSDP II, Udruženjem sudija u FBiH, Udruženjem sudija BiH, Udruženjem sudija RS, Udruženjem tužilaca BiH, Udruženjem tužilaca FBiH, Udruženjem tužilaca RS, Advokatskim komorama FBiH i RS, Pravosudnom komisijom Brčko distrikta BiH, VSTV-om u okviru projekta „Jačanje tužilačkih kapaciteta u sistemu krivičnog pravosuđa“, Njemačkom fondacijom za međunarodnu pravnu saradnju IRZ, Udruženjem pravnika Republike Srpske, Pravnim fakultetom Univerziteta u Banjaluci, Advokatskom i Notarskom komorom Republike Srpske, Misijom OSCE-a u BiH i Uredom OSCE-a za demokratske institucije i ljudska

## INFORMACIJA O RADU 2012

prava (ODIHR), IKT odjelom Visokog sudskog i tužilačkog vijeća BiH, uz finansijsku podršku i saradnju Švicarske agencije za razvoj, Misije OSCE-a u BiH, Ambasade Sjedinjenih Američkih Država u BiH i Ambasade Kraljevine Norveške u BiH. Obaveza svakog tužioca, prema entitetskim zakonima o centrima za edukaciju, je provođenje minimalne edukacije od četiri dana godišnje.

U posmatranom periodu, tužioci su se, pored pohađanja obaveznih seminara propisanih zakonom, aktivno uključili i u ostale procese edukacije tužilaca, a isto tako su bili angažovani i kao edukatori, predavači, panelisti i moderatori, te su prenosili svoja znanja i iskustva učesnicima seminara.

Tužioci su u periodu obuhvaćenom ovom informacijom svoje znanje proširivali na seminarima i konferencijama na sljedeće teme:

- Krivična djela iz oblasti finansijskog kriminala
- Pristup arhivama MKSJ-a
- Rad s traumatiziranim svjedocima
- Trgovina ljudima
- Prethodni postupak i prethodno saslušanje, ovlaštenja i uloga suda
- Etika i zagovaranje za sektor pravde
- Korupcija
- Prevencija trgovine ljudima
- Krivičnopravni aspekti procesuiranja krivičnih djela iz oblasti organizovanog kriminala
- Neovlaštena proizvodnja i promet opojnih droga i omogućavanje uživanja opojnih droga
- Skraćeni krivični postupci
- Radionica CyberCrime@IPA "Kompjuterski kriminal i elektronski dokazi"
- Međunarodna pravna pomoć u krivičnim istragama (konferencija)
- Kaznena politika
- Zastupanje u sudskom postupku
- Imunitet svjedoka
- Tehnike izrade presude u krivičnim predmetima
- Međunarodna pravna pomoć u krivičnim istragama
- XI savjetovanje iz krivične oblasti "Izazovi evropskog krivičnog prava - obaveza države u oblasti krivičnog zakonodavstva"
- Sudstvo i mediji
- Posebne istražne radnje
- Krivični postupak protiv pravnih osoba
- Istraživanje i istraživačke sposobnosti

## INFORMACIJA O RADU 2012

- Domaća primjena međunarodnog krivičnog prava
- Zločini protiv čovječnosti
- IX savjetovanje “Oktobarski pravnički dani” na temu “Izgradnja i funkcionisanje pravnog sistema”
- Ratni zločini
- Finansiranje terorizma
- V stručno savjetovanje tužilaca u Bosni i Hercegovini
- Oblici odgovornosti
- Cyber kriminal, pranje novca i finansijske istrage
- Saradnja i međusobna pravna pomoć
- Istraživanje i istraživačke sposobnosti
- „CMS/TCMS - Case Management System“ – napredne funkcionalnosti i izvještavanje

Početna obuka pripravnika, stručnih saradnika i stručnih savjetnika se provodi u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za osobe koje se namjeravaju baviti profesijom sudije ili tužioca. Ovaj program predviđa provođenje obuke kroz 4 Modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2012. godini je provedena početna obuka za treću generaciju polaznika 2010/2012 (Moduli I-IV), drugu generaciju polaznika 2011/2013 (Moduli I-IV) i za prvu generaciju 2012/2014 (Moduli I-IV), te komplementarna obuka. Komplementarna obuka je namijenjena stručnim saradnicima i savjetnicima koji su završili Program početne obuke, a još uvijek rade u institucijama pravosuđa.

Početnom obukom obuhvaćene su sljedeće oblasti:

### 3. godina

Modul 1 - Građanska oblast

Modul 2 - Krivična oblast

Modul 3 - Alternativno rješavanje sporova, medijacija i arbitraža

Modul 4 - Nosioci pravosudne funkcije i društvo

### 2. godina

Modul 1 – Evropska konvencija i ravnopravnost spolova

Modul 2 – Građanska oblast



Modul 3 – Krivična oblast

Modul 4 - Izvršna i upravna oblast

### I. godina

Modul 1 - Nosioци pravosudne funkcije i društvo

Modul 2 – Građanska oblast

Modul 3 - Krivična oblast

Modul 4 - Izvršna i vanparnična oblast

U 2012. godini, na seminarima komplementarne obuke, obrađivane su tehnike izrade presude u građanskim sporovima, tehnike izrade presude u krivičnim predmetima te digitalna forenzika i kompjuterski kriminal.

Pored obavezne edukacije, u 2012. godini, tužiocі, stručni saradnici, drugo stručno osoblje i ostali zaposlenici učestvovali su na više seminara, sastanaka, konferencija, okruglih stolova i radionica, u zemlji i u inostranstvu, kako slijedi:

- Borba protiv cyber kriminala
- Krivična djela počinjena iz mržnje
- Korupcija
- Sigurnosne provjere, u organizaciji Obavještajno-sigurnosne agencije BiH
- Istrage, oduzimanje i upravljanje nelegalno stečenom imovinom
- Arhivsko i kancelarijsko poslovanje
- Primjene posebnih istražnih radnji
- Implementacija preporuka Univerzalnog periodičnog predmeta (UPR) stanja ljudskih prava u BiH
- Nagodba
- Javne nabavke
- Finansiranje terorizma
- Poglavlje 23. Acquis-a – Pravosuđe i osnovna prava
- Efikasan rad sa strankama
- Pretraživanje i pronalaženje dokumentacije EU i predstavljanje ključnih dokumenata
- Svijet komunikacije
- Analiza primjene Zakona o zaštiti tajnih podataka
- Završni godišnji seminar – javne nabavke, novine, trendovi, problemi i rješenja
- Evropska komisija – Evropski ured za borbu protiv prevara (OLAF), program PERIKLE – Razmjena kadrova o istražnim tehnikama u borbi protiv krivotvorenja novca

## INFORMACIJA O RADU 2012

- Reprezentacija POLYCOM proizvoda
- 13. međunarodni simpozij, fiskalni okvir
- Regionalni simpozij o saradnji
- Studijska posjeta o borbi protiv korupcije
- Studijsko putovanje u okviru projekta IPA 2010 – Borba protiv organizovanog kriminala i korupcije, jačanje tužilačke mreže
- Kurs o terorizmu i prilikaciji, odnosno širenje oružja za masovno uništenje
- Dani državnih tužilaca
- 4. sastanak Radne grupe komponente „C“ za unapređenje javnog pristupa informacijama o radu Tužilaštva
- 5. međunarodni sastanak eksperata u oblasti genocida, ratnih zločina i zločina protiv čovječnosti
- 8. konferencija glavnih tužilaca u Bosni i Hercegovini
- 6. regionalna konferencija državnih odvjetnika
- Konferencija – pružanje besplatne pravne pomoći u BiH
- Okrugli sto - Strategija tranzicijske pravde
  
- TAIEX radionice:
  - Najbolja praksa EU u oblasti finansijskih istraga sa posebnim naglaskom na napredne tehničke analize bankovnih računa
  - Istraživanje veza između organizovanog kriminala i ekstremizma
  - Hitne potjere (član 13. policijska saradnja, Konvencija za Jugoistočnu Evropu)
  - Dunavska strategija – radionica na temu „Oduzimanje nezakonito stečene imovine u krivičnim i građanskim postupcima“
  - Zaštita, razmjena i rukovanje tajnim podacima

Pored naprijed navedenog, tužioci, stručni saradnici i drugo stručno osoblje učestvovali su i na Tužilačkom koledžu. Naime, u decembru 2012. godine održan je Tužilački koledž koji je realiziran u saradnji sa Komisijom za edukaciju Tužilaštva i Uredom registrara. Na istom su obrađivane teme “Praktični aspekti vođenja istrage/saradnja policije i tužilaca” i “Forenzički sadržaj materijalnih dokaza“ sa više podtema i radionica.

## 5. FINANSIJSKI IZVJEŠTAJ ZA 2012. GODINU

Ukupan budžet Tužilaštva BiH za 2012. godinu je iznosio **8.859.000,00 KM**.  
Struktura odobrenog budžeta bila je:

Neposredna potrošnja.....	8.759.000,00 KM
Udarne grupe za borbu protiv trgovine ljudima i ilegalne imigracije BiH.....	100.000,00 KM
<b>- UKUPNO .....</b>	<b>8.859.000,00 KM</b>

Tužilaštvo Bosne i Hercegovine je ostvarilo ukupne troškove u odobrenom iznosu od **8.275.504 KM** ili **93%** odobrenog budžeta za 2012. godinu.

Prestrukturiranje sredstava vršeno je u ukupnom iznosu od 63.500 KM na sljedećim pozicijama:

- iznos od 63.500 KM je prestrukturiran sa pozicije - Bruto plate i naknade; na pozicije
- Putni troškovi.....20.000 KM
- Izdaci poštanskih i telefonskih usluga..... 10.000 KM
- Izdaci za energiju i komunalne usluge..... 2.000 KM
- Nabavka materijala .....31.500 KM

Stalna materijalna sredstva u knjigovodstvu se vode na grupi konta 0112, 0113 i 0114, na dan 31. 12. 2012. godine i iznose:

Nabavna vrijednost stalnih sredstava .....	1.547.335,07 KM
Ispravka vrijednosti stalnih sredstava .....	1.177.952,15 KM
Sadašnja vrijednost stalnih sredstava .....	369.382,92KM

Nabavka stalnih sredstava vršena je u skladu sa odobrenom namjenskom strukturom u ukupnom iznosu od 9.295 KM.

U toku 2012. godine Tužilaštvo BiH je imalo donacije u naturalnom obliku ukupne vrijednosti **50.867,57 KM**, kako slijedi:

- računarska oprema ..... 28.881,57 KM, donacija VSTV-a
- motorno vozilo ..... 24.986,00 KM, donacija VSTV-a

Sredstva predviđena i odobrena za rad Udarne grupe za borbu protiv trgovine ljudima i ilegalne imigracije u BiH utrošena su u skladu sa planom rada i aktivnostima ove grupe, te je izvršenje

## INFORMACIJA O RADU 2012

budžeta na ovoj organizacionoj jedinici 98.285 KM, što je u relativnom iznosu 98% ukupno odobrenog budžeta za 2012. godinu.

### **TABELARNI PREGLED IZVRŠENJA BUDŽETA ZA 2012. GODINU**

<b>Opis</b>	<b>Ekonomski kod</b>	<b>Odobreni budžet</b>	<b>Izvršenje budžeta</b>	<b>Index 4/3</b>
<b>I</b>	<b>2</b>	<b>3</b>	<b>4</b>	<b>5</b>
<b>I. Tekući izdaci</b>		<b>8.948.000</b>	<b>8.364.494</b>	<b>93,48</b>
Bruto plaće i naknade	611100	7.183.500	6.767.130	<b>94,20</b>
Naknade troškova zaposlenih	611200	460.000	383.709	<b>83,41</b>
Putni troškovi	613100	200.000	171.405	<b>85,70</b>
Izdaci telefonskih i poštanskih usluga	613200	87.000	84.909	<b>97,60</b>
Izdaci za energiju i komunalne usluge	613300	53.000	48.723	<b>91,93</b>
Nabavka materijala	613400	126.500	123.889	<b>97,94</b>
Izdaci za usluge prevoza i goriva	613500	37.000	29.462	<b>79,63</b>
Unajmljivanje imovine i opreme	613600	0	0	
Izdaci za tekuće održavanje	613700	53.000	33.607	<b>63,41</b>
Izdaci za osiguranje	613800	8.000	7.787	<b>97,33</b>
Ugovorene usluge i druge usluge	613900	740.000	713.847	<b>96,47</b>
<b>2. Kapitalni izdaci</b>	821000	<b>11.000</b>	<b>9.295</b>	<b>84,50</b>
<b>3. Tekući grantovi</b>	614000	<b>0</b>	<b>0</b>	
<b>I. Ukupno ( 1+2+3)</b>		<b>8.959.000</b>	<b>8.373.789</b>	<b>93,47</b>
<b>II. Prosječan broj zaposlenih</b>		<b>195</b>	<b>184</b>	<b>94,30</b>
<b>4. Novčane donacije</b>			<b>0</b>	

## PLANIRANJE BUDŽETA ZA 2013. GODINU

Tužilaštvo Bosne i Hercegovine je napravilo projekciju budžeta za 2013. godinu po kojoj su tražena sredstva u ukupnom iznosu od **10.281.000 KM**, a odobrena sredstva u ukupnom iznosu od **9.367.000 KM**.

Navedeni iznos sastoji se od:

- I. Plana budžeta za potrebe Tužilaštva BiH u iznosu od **9.267.000 KM**.
- II. Plana budžeta za potrebe Udarne grupe za borbu protiv trgovine ljudima i organizovane ilegalne imigracije u BiH u iznosu od **100.000 KM**.

## TABELARNI PRIKAZ ODOBRENOG BUDŽETA ZA 2013. GODINU

Opis	Ekonomski kod	Odobreni budžet
1	2	3
<b>I. Tekući izdaci</b>		<b>9.302.000</b>
<b>Bruto plaće i naknade</b>	611100	<b>7.627.700</b>
<b>Naknade troškova zaposlenih</b>	611200	<b>480.000</b>
<b>Putni troškovi</b>	613100	<b>177.000</b>
<b>Izdaci telefonskih i poštanskih usluga</b>	613200	<b>80.000</b>
<b>Izdaci za energiju i komunalne usluge</b>	613300	<b>51.000</b>
<b>Nabavka materijala</b>	613400	<b>136.500</b>
<b>Izdaci za usluge prevoza i goriva</b>	613500	<b>40.000</b>
<b>Unajmljivanje imovine i opreme</b>	613600	<b>0</b>
<b>Izdaci za tekuće održavanje</b>	613700	<b>37.000</b>
<b>Izdaci za osiguranje</b>	613800	<b>8.000</b>
<b>Ugovorene usluge i druge usluge</b>	613900	<b>666.000</b>
<b>2. Kapitalni izdaci</b>	821000	<b>65.000</b>
<b>3. Tekući grantovi</b>	614000	<b>0</b>
<b>I. Ukupno ( 1+2+3)</b>		<b>9.367.000</b>
<b>II. Prosječan broj zaposlenih</b>		<b>195</b>

## **6. PROBLEMI KOJI OTEŽAVAJU RAD**

U poglavljima koja se odnose na rad i rezultate rada tužilačkih odjela, iskazani su specifični problemi sa kojima se, u radu po krivičnim predmetima, susreću ovi odjeli i oni su različiti, s obzirom na vrstu predmeta koji su u nadležnosti pojedinačnih odjela. Također, izneseni su i zajednički problemi koji nisu problemi samo tužilačkih odjela nego i uprave Tužilaštva, odnosno cjelokupnog Tužilaštva, a to su:

- Nedostatak kancelarijskog prostora koji se direktno odražava na produktivnost osoblja;
- Nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje oduzetih predmeta i drugog dokaznog materijala.

U odnosu na akutni nedostatak prostora koji iz godine u godinu sve više otežava rad Tužilaštva, preduzimaju se aktivnosti s ciljem rješavanja navedenog problema, koje su u posljednje vrijeme intenzivirane od strane Tužilaštva i mogle bi dovesti do konačnog rješenja, ali je Tužilaštvu neophodna pomoć predstavnika vlasti, kako na državnom tako i na nivou Federacije BiH (omogućavanje izmještanja Specijalne policijske jedinice Federalne uprave policije iz objekta namijenjenog za smještaj Tužilaštva BiH).

Pored naprijed navedenog problema, na ovom mjestu iznosimo još jedan problem koji je od posebnog značaja za postizanje adekvatnih rezultata rada Tužilaštva, a koji je prepreka u radu cjelokupnog Tužilaštva, kako slijedi:

- Nedovoljan kapacitet u pogledu ljudskih resursa sa posebnim akcentom na nedovoljnom broju tužilaca.

U Tužilaštvu BiH, prema Odluci Visokog sudskog i tužilačkog vijeća, sistematizirani broj tužilaca je 38. Prema statističkim pokazateljima do kojih se došlo analizom procjene potreba Tužilaštva BiH za povećanjem broja sistematiziranih tužilačkih pozicija na način sugeriran od strane VSTV-a BiH, a koji je primjenjivan i u odnosu na sva druga tužilaštva, odvojenim posmatranjem po odjelima Tužilaštva ukazala se potreba za izrazito velikim brojem tužilačkih pozicija u Posebnom

## INFORMACIJA O RADU 2012

odjelu za ratne zločine. U Tužilaštvu je procijenjeno da bi upućivanje zahtjeva za tolikim proširenjem sistematizacije tužilačkih pozicija prema VSTV-u bilo neprimjereno, pa se Tužilaštvo BiH opredijelilo da uputi zahtjev, prema potrebama izraženim statističkim pokazateljima u odnosu na cijelo Tužilaštvo, a to je povećanje za 12 tužilačkih pozicija u Tužilaštvu, što bi ukupno iznosilo 50 sistematiziranih tužilačkih pozicija. Kada se sveobuhvatno uzmu u razmatranje potrebe za tužilačkim pozicijama sa akcentom na navedenim potrebama u Posebnom odjelu za ratne zločine, a radi realizacije zadataka iz Državne strategije za rad na predmetima ratnih zločina, ovaj zahtjev se ocjenjuje minimalnim i u cijelosti prilagođenim općim uvjetima u kojima djeluje i ovo Tužilaštvo.

Kako se do ovakvih potreba došlo vršenjem analize po utvrđenim kriterijima i kako zahtjev za ovakvim povećanjem sistematiziranog broja tužilačkih pozicija predstavlja realne potrebe Tužilaštva, očekuje se prihvatanje istog. Svakako da će se dalje aktivnosti voditi i na obezbjeđenju budžetskih sredstava za popunjavanje ovih pozicija u čemu Tužilaštvo treba razumijevanje i pomoć relevantnih državnih organa.

Osim tužilaca, u Tužilaštvu već nedostaje znatan broj pratećeg osoblja i to, kako posebne kategorije stručnog osoblja, tako i drugog stručnog i administrativnog osoblja. Povećanjem broja tužilaca ovaj nedostatak će biti još izraženiji i efikasnost u pogledu rezultata rada će biti nedovoljna ukoliko se ne desi i adekvatno popunjavanje ovih pozicija, za šta je također Tužilaštvu potrebna pomoć nadležnih državnih organa.

Obezbjeđenje naprijed navedenih prostornih i ljudskih kapaciteta je od krucijalne važnosti za Tužilaštvo, kako bi u cijelosti moglo odgovoriti obavezama i zadacima zbog kojih je i osnovano.

## **7. SMJERNICE ZA UNAPREĐENJE RADA U NAREDNOM PERIODU**

Kako iz naprijed iznesenog proizlazi, Tužilaštvo BiH je u 2012. godini ostvarivalo svoju funkciju u skladu sa propisanom nadležnošću i ciljevima utvrđenim u prethodnom periodu. Kako bi se u budućnosti nastavilo sa unapređivanjem efikasnosti rada u ovoj instituciji, prilikom planiranja i izvršavanja aktivnosti Tužilaštva BiH u 2013. godini, na umu će se imati sljedeće preporuke i principi:

- Obezbjediće se aktivno učešće tužilaca i uposlenika Tužilaštva Bosne i Hercegovine u praćenju primjene postojećih propisa u oblasti krivičnog prava i unapređenju istih kroz predlaganje njihovih izmjena i novih propisa koji će cjelovitije regulisati ovu oblast, a što bi trebalo da obezbijedi stvaranje boljeg zakonskog okvira u cjelini kako za funkcionisanje Tužilaštva tako i za pružanje krivičnopravne zaštite građanima Bosne i Hercegovine. U svrhu realizacije ove aktivnosti ohrabruje se podnošenje samostalnih inicijativa u naprijed navedenom smislu poštujući interne procedure, učešće u radnim grupama unutar Tužilaštva kao i radnim grupama i timovima koji djeluju izvan Tužilaštva, kao i aktivno učešće u projektima čije implementiranje se ocijeni potrebnim i odobri od strane menadžmenta Tužilaštva.
- Konstantno će se unapređivati kvalitet i efikasnost u postupcima otkrivanja i procesuiranja počinitelaca krivičnih djela iz nadležnosti Tužilaštva BiH. U tom smislu, potrebno je rješavati stare predmete prema utvrđenom planu u kojem će se prioritet dati značajnijim predmetima posmatrano sa raznih aspekata, povećati broj tužilačkih odluka sa akcentom na povećanje broja istraga i optužnica za najteža krivična djela, te jačati i razvijati timski rad. Nastavit će se rad na provedbi Državne strategije za rad na predmetima ratnih zločina, dok će se kroz postupke ekshumacija, intezivirati traženje nestalih osoba na području cijele Bosne i Hercegovine.



## INFORMACIJA O RADU 2012

- Tužilaštvo BiH će i u budućem periodu aktivno sudjelovati u kreiranju kaznene i politike kriminaliteta u Bosni i Hercegovini, između ostalog i kroz angažman i sudjelovanje u radu Udarne grupe za borbu protiv trgovine ljudima i organizirane ilegalne imigracije i Operativne grupe za borbu protiv terorizma.
- U radu Tužilaštva BiH, nastavit će se primjenjivati visoki profesionalni standardi, koji će se unapređivati kroz učestvovanje i kreiranje edukacijskih seminara u okviru Interne komisije za edukaciju, kao i centara za edukaciju RS-a i FBiH. Aktivno će se sudjelovati u kreiranju sistema ocjenjivanja tužilaca i unapređenju i razvijanju provođenja procesa ocjenjivanja ostalih uposlenika.
- Saradnja sa agencijama za provođenje zakona u BiH će se kontinuirano razvijati kroz sudjelovanje u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela, te primjenjivanje podzakonskih akata koji su proizašli iz učešća u projektu “Uspostava boljih mehanizama saradnje između policije i Tužilaštava BiH” i njihovo dalje razvijanje i prilagođavanje potrebama. Sa agencijama za provedbu zakona u Bosni i Hercegovini i tužilaštvima u Bosni i Hercegovini, nastavit će se sa provođenjem aktivnosti Udarne grupe za borbu protiv trgovine ljudima i organizirane ilegalne imigracije, Operativne grupe za borbu protiv terorizma i jačanja sposobnosti za borbu protiv terorizma, Radne grupe za borbu protiv visoko-tehnološkog kriminala uključujući i *cyber* kriminal i drugih radnih grupa koje se bave problemima iz oblasti kriminaliteta.
- Unapređenje saradnje sa tužilaštvima u zemljama regije i šire vršit će se kroz primjenu međunarodnih multilateralnih i bilateralnih ugovora o saradnji, kao i razmjenom iskustava u progonu počinitelja najtežih krivičnih djela, posebno terorizma i organiziranog kriminala, pranja novca, te *cyber* kriminala. Kod tužilaštava u zemljama regije inicirat će se uspostavljanje novih mehanizama za saradnju te će nastaviti i unapređivati učešće u Radnoj grupi za monitoring odluke o bezviznom režimu za građane BiH pri ulasku u Evropsku uniju. Nastavit će se i unapređivati učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge).

## INFORMACIJA O RADU 2012


- U okvirima dodijeljenih resursa, Tužilaštvo BiH će se nastojati unapređivati u kadrovskom i organizacionom smislu kroz osiguranje materijalno-finansijskih uslova za nesmetan rad, te uvođenje i primjenu novih tehnoloških dostignuća. Značajno će se angažovati na rješavanju problema smještajnih kapaciteta za Tužilaštvo i podsticati predstavnike vlasti na državnom nivou da preduzmu potrebne aktivnosti, u skladu sa svojim nadležnostima, u rješavanju tog problema koji je već davno prepoznat ali se još uvijek nalazi u fazi rješavanja. Dalje će se razvijati i unapređivati učešće u projektnim aktivnostima.
- Tužilaštvo BiH će nastaviti redovno izvještavati o postignutim rezultatima u radu i stanju kriminaliteta, sa ciljem podizanja svijesti javnosti putem sredstava javnog informisanja o ulozi i nadležnostima Tužilaštva BiH.

## 8. STANJE KRIMINALITETA U BOSNI I HERCEGOVINI

U daljem dijelu informacije mogu se vidjeti prikazi stanja kriminaliteta u Bosni i Hercegovini.


### TABELARNI I GRAFIČKI PRIKAZ STANJA KRIMINALITETA U TUŽILAŠTVU BOSNE I HERCEGOVINE ZA 2012. GODINU

TUŽILAŠTVO BiH	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	217	780	126	385	27	52	9	9	103	162
Ratni zločin	303	2957	33	109	86	185	0	0	18	36
Opći kriminal	599	387	119	792	194	386	13	13	96	190
Ukupno	1119	4124	278	1286	307	623	22	22	217	388




**STANJE KRIMINALITETA U KANTONALNIM TUŽILAŠTVIMA FEDERACIJE  
BiH ZA 2012. GODINU**

FEDERACIJA BiH	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Ukupno	16781	23945	12101	16623	10434	13853	3624	4356	10355	13222




**STANJE KRIMINALITETA U OKRUŽNIM TUŽILAŠTVIMA REPUBLIKE SRPSKE  
ZA 2012. GODINU**

REPUBLIKA SRPSKA	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Ukupno	8719	11744	6944	8822	5517	6298	2506	2912	5050	6264



**STANJE KRIMINALITETA U JAVNOM TUŽILAŠTVU BRČKO DISTRIKTA  
ZA 2012. GODINU**

BRČKO DISTRIKT	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Ukupno	427	564	413	530	345	459	172	183	420	552



**STANJE KRIMINALITETA U SVIM TUŽILAŠTVIMA U BOSNI I HERCEGOVINI,  
POREĐENJE 2008-2009-2010-2011-2012**

POREĐENJE PO GODINAMA	Zaprimljene prijave	Naređene istrage	Podignute optužnice	Podignute optužnice sa krivičnim nalogom	Presude
2008.	33410	28183	21130	9484	18418
2009.	32682	25185	16188	8226	19303
2010.	39348	24664	19991	7523	18714
2011.	42003	27805	19410	6438	16065
2012.	40377	27261	21233	7473	20426

